






1391



秋澗先生大全文集

一六





秋
滿
先
過
太
全
文
集
卷
之
十

大
朝
廷
山
林
勇
於
靜
退
直
道
不
屈
公
侯
之
位
不
受
王
侯
之
禮
不
取
公
侯
之
名
不
受
公
侯
之
祿
不
受
公
侯
之
爵
不
受
公
侯
之
命
不
受
公
侯
之
權
不
受
公
侯
之
勢
不
受
公
侯
之
威
不
受
公
侯
之
德
不
受
公
侯
之
名
不
受
公
侯
之
祿
不
受
公
侯
之
爵
不
受
公
侯
之
命
不
受
公
侯
之
權
不
受
公
侯
之
勢
不
受
公
侯
之
威
不
受
公
侯
之
德


秋澗先生大全文集卷第六十

碣

大元國故尚書省左右司員外郎韓公神

道碣銘并序

夫朝廷山林之士有往而不返入而不能出者惟其
勇於靜退貞不絕俗是則為丈夫之事吾於鄉先生
韓公得之矣公諱仁字義和父顯有融德不耀公甫
冠而孤事母以至孝稱好學強識聞一善事察為而
不廢正大間舉孝廉辟為州孔目以能充元帥府令
史方羽書交馳際公勸精所事為上官推重番譯史
安天合為相友善壬辰北渡隱居鄉間澹嘿無所營
庚子歲詔行墓於燕開莫府選崇佐得良能為壺用



安侯薦首聘公充尚書省都事癸卯春以國計北觀
上詢以金粟川流蘿圖鞏固將何策可濟對者以十
數獨公敷陳詳明簡而得要有鑒古訓用賢材之說
上喜甚仍奏天下困窮者寔繁其徒方發政施仁之
秋宜子惠俾露大賚乞焉迄今負子月給廩料蓋自
公伊始是年秋工母梁氏憂尋奪哀起授左右司員
外郎公早夜在公以吏務自任郎中李獻卿才望重
兩朝亦許公和光解紛能就吾事又明年冬以附母
夫人得告南歸既襄事借內子張氏棄俗入道自號
逍遙子遂西游大華終南諸山黃冠野服偃然閱世
如光松卧雲壑者逾三紀焉公資明淑生平與物無
忤其篤賢周急有大過人者宗族籍之通達者甚衆

嘗買僮即約之曰汝等以世故不幸及此義則龜勉
相從否則任渠所往晚節專以方書濟人爲事聞一
秘方竒訣求訪百至易千金不怯歲久得益多如煙
霞醫林等集悉錄梓流布猶虞所傳未暢擇標治者
遍書里巷壁間京師物繁歲多竒疾賴公起死者不
勝紀例來謝辭不見曰吾庶幾道念濟苛苦而已餘
何異當時少傳管公亦以醫方談客多獵神農經所
載爲用公則博採經驗所謂海上方者錄之無遺二
公雖趣向不同於博施則一也故竇韓之名並傳于
世先是道人謝志賢等欲公進退有道心存濟物殆
非尋常所可及遂請主神寶修真二觀餘三十年奉
公猶一日公有二姪長曰天祐泰鹽提舉次德旻由

後衛從事充樞密院令史德旻以公耄期迎置家庭
與妻苑氏侍養送終禮無少憾士論賢之公以至元
十九年十月望日考終牖下享年八十有四某月日
將歸窆汲縣耿岡之新壙墓須銘以鄉耆故來屬筆
其敢以蕪斐碎銘曰

頌允韓公

生有淑質

陳力周行

孝廉應辟

移而為忠

載揚厥職

濟物之心

一何云亟

漢署千官

含香入侍

經國之對

允合

眷思

片言回春

仁者之賜

朕徒榮貴

神武挂冠

退身急流

又人所難

全真為教

樂在一簞

青囊集驗

揀夫世廢

旁搜轉施

一壺市間

保合大和

浩浩其天

我鍊我形

我駐我顏

較彼獨善

九鵬一鷗

栖遲有窠

逍遙有篇

青山白雲

玄門老仙

黃岡北原

騰焉故山

惟耿新壠

繫公改遷

魂兮來歸

諒先生之所安

大元故濛溪先生張君墓碣銘并序

余官晉府者四年得進修之士一人曰濛溪張君每
暇與相往來把酒論文寂可尚者君無求於人人之
有得於君殊冲然也私自哀念異時禮文與舉吾儻
與當任渠責及承乏翰林君墓草已宿乙未夏其子

思敬來京師謁余以墓銘爲請慰唁餘爲歎歎者久之言猶在耳其忍以不敏辭君諱著字仲明姓張氏世爲襄陵縣張相里人曾祖諱某雅重然諾願義所在雖死生以之祖愿父彬皆潛德不仕讀書治田子孫相傳以爲家法君少穎悟不待勉勵卓然自志於學國朝戊戌歲設科取士君以詞賦中選既而嘆曰士當遠大自期雕蟲篆刻將何爲哉適貽溪麻先生泊前進士允齋曹文來主經局君喜且不寐曰今而後吾學有所正矣遂刮去故習沉潛伊洛諸書雖飢渴寒暑貧窮得失不易其初心所謂道之體用文之華實探涉其源流咀嚼其膏味積而爲文詞發而爲事業不盈不矜介然家居以樂育諸生爲業中統

建元順齋張公以直道清節宣撫河東廉君才行擢主潞城簿政廉能以畏愛稱明年公去事齟齬不可爲以親老西歸有司累辟不就至元乙酉用薦者授平陽路儒學教授於是衆論大厭士風爲一變先生年彌高德彌劭學益博文益奇士友知所依嚮吏民咸有矜式秩竟不聽其去者愈再考厥後子思敬自南陽教官來省聞彼中風土樂焉曰名山大川平日所願見遂命駕南遊以至元壬辰夏六月廿六日考終寓舍享年六十有九初娶陶寺里大家趙氏一子思敬二女長嫁同邑王黼次適洪洞梁龜齡繼室油沃靳氏孫男二曰世權世衡思敬以家學今充隆福宮宮教先生姿明亮色夷而氣清爲人誠厚寡欲不

戚戚於貧賤與人交始若疏澹久之愈敬而愛人百
負之終不較望而知為雅德君子其成就後進為已
任故晉人以文名而達者多出其門切惟亾金百年
來平陽號稱多士每歲舉子赴選大約數倍諸郡至
有白首場屋無幾一第餘有不暇及者唯君年甫冠
即能知所學所從拔出習俗潛心古道踐履外詩文
雜著曰濛溪集者五百餘篇何多矣哉晉絳諸人未
之有也况一鐸一藁典雅有法理明辭約以自得為
主是可銘銘曰

四科稱賢曰德與藝其在聖門用不偏廢文乃道與
經天緯地苟遺其本剽竊何異利祿科場疇非誕誇
聯綴補絹是足言邪濛溪為學其復不遐沈心程張

正藝曹麻閉門窮經其書滿家玉珮瓊瑤粲焉碎華
含章時發其助也多士之生世濟時行道時既我乖
立言明教生榮歿傳朝菌夕蓼違人大觀彼此奚較
大川河宗名山華嶽地靈氣異先生所鍾一朝長遊
杳焉飛鴻世皆知仁智之所樂吾獨為歸根返壑乃
先生之所終凌倒景而不滅其元精耿耿固浩乎其
所不窮適來吾時適去吾從先生之心與造物也從
容尖山西東相里新宮我銘斯石如勒景鐘雖陵遷
兮谷變尚知為濛溪先生之封

故趙州寧晉縣善士荆君墓碣銘 并序

元貞元年春廉訪荆侯改道北燕過京師來謁拜
以先表屬筆因念子與侯初定交於慶陶一見如平

生後十年復會于東楚握手道舊勉子南行忠厚之
氣霽然萃顏間令人有不能忘者今以是來託載惟
疇昔其敢以固陋辭謹按典瑞少監焦養直善狀君
諱祐字伯祥趙之寧晉人世陶淡濱遠祖暨禰以改
工是圖曰與其供器用於一鄉曷若以善及人為愈
於是板行五經等書不二十寒暑荆氏家籍布滿河
朔君甫冠而孤每以保大家業為志貞祐兵乃取五
經泰和律義篇廣韻板闕壘垠中亂定來視盜發掘
無幾君悉力補購隨復為完部或者云初藏書時善
本固多唯取是三者何哉曰經者道之本法者治之
具韻者字之始文籍所由生其為善已多聞者為知
本于時官府生聚雖稍稍有立詩書法律晚生後輩

不知為何物一旦得是如瞽者復明迷者之知津也
而又印模精取直廉故售者廣屋日為之潤所可重
者積而能散縣人王壹者坐事累繫獄吏挾私欲死
之君力與營救彼不顧且諷而徵賄竟傾貲出之渠
來謝却不見曰吾區區若然者憐渠罔陷非辜餘何
有壬子歲州縣通籍員占者有禁里嫗瞽而來依者
惻然以乳姆收恤轉易書輩往往宿負審其寔既折
元券復惠之書嘗有以女奴來償者辭不克聘而
焉斯皆風義矯矯人難能者率樂為之故鄉里無親
疏以善人稱君以丁巳秋遘疾遺命仲子元綱曰伯
叔二喪未克葬汝勉襄大事以卒吾志言終而逝實
是年八月八日也壽五十有九歲先塋昭穴君資和

易勳事明敏終以失學為愧恨及諸子長皆教之讀書嘗訓飭曰吾已面墻無及今幸嗣先業庭戶間書帙紛紛豈有資人進修賢不自力將何以免君子之譏且先世易治而衰所期正爾汝曹其勉旃君初娶劉氏繼室蘇氏生四子長國器中戊戌詞科次國用善屬文皆前卒次元綱自幼有成人風君嘗語所親異時保家子也竟如言季幼紀為人雅重信道篤少從敬齋李先生學所得為多由典瑞貳卿擢任風憲今為山北遼東道廉訪使女一適進士張景賢孫懷寶男孫九人曰謹曰詢曰誠曰謙曰謚曰誼曰諒曰詡曰諷女孫五人一在室餘皆適士族曾孫九女孫如之於戲盛哉予然後知善惡之報至于孫而後定

者審矣銘曰

賢士居業擇術是先有篤者志善乎變遷捨鈞治書理幾於妍顯允荆君思深業專誓教子而亢宗見截書之有權要本孝義奉而周旋萃英敷華煥乎簡編迪我後人學者賴焉磊落載腹宛從蹄筌積厚能散憫窮拔寃不有其社委順百年慶流後裔子孫蟬嫣人定彼勝其然亶然二子翩翩遺珠在淵仲克世荷愿而稱賢季由近侍三使輶軒較夫善利孰大斯傳固惟自稽古之力實資藉之所緣欲報之德有昊者天刻我銘章于晉之阡適追來孝以慰下泉異時推耆德而配鄉社尚有攷於瑤鐫

洪岳老人石琰公墓碣銘 并序

公姓石琰氏諱德玉字君寶遼東蓋州人疎髯矧目
氣骨臞清超超然如萬里之鶴貞祐初以良家子
軍效夏折橋功得官積勞至武德將軍北渡後
相衛間母杜氏唐相如晦後公天性能孝愉色
班衣垂白朝夕孺慕雖菽水無有南陵白華之
時杜壽登八秩清修絕葷茹日庭間白菌百
余本撥去復茁者數月人以爲孝感所致
詩有似憐甘旨闕春風玉芝香之句
篤超人之急逾於己私至遇不
竹木花石時釀名酒客至輒
而後已眼花耳熱與之扶策
之某處手植而即蕃者也此

眇柯怡顏喜津津溢眉睫間曰吾且有木
壁矣嘗種竹當戶或謂太迫曰待其蘖茂秋霽月
之時俾情樾透簾爲此君寫真耳故終日翛然對之
灑爲樂其清澹如此晚年游心命書人有問必以
已安分爲答能此不待孤虛相旺吾言固有徵矣
丙子公年八十有五嘗繪共山歸隱圖以自歌其
樂因號共岳老人是歲冬灑然而逝若委蛻焉孺
人劉氏能遂公初心主治中饋不知其爲貧家也生
女子二人長適御史康天英次適河東道提刑按察
使姜或家府與公交款曲篤出契三十年一別終天
有恨何如尋步入街西故里眇睠竹樹慨然有聞遂
懷人之陰老淚濡毫而有斯作銘曰

貧而樂有類乎黔婁心而隱似慕夫德翁事親極融
融之樂逢辰出蹇蹇之忠布衣歸來默而自容將裴
徊而孰友侶藜藿而伍岳松生也順事歿寧吾躬古
之所謂鄉先生死而祭于社者其處士之堂封乎

大元故廣威將軍寧晉縣令李公墓碣銘

公諱讓姓李氏其先易水黃山人也父海姿善良世
插藝爲業公既孤母張氏以健持家就熟南遷至寧
晉唐城鄉愛其風土遂占籍爲縣人公初生顛骨有
異狀及冠美鬚聲音如鍾爲人善騎射勇於赴義
爲一方推服貞祐初河朔失守所在寇盜充斥日相
吞噬公慨然輟耕墾上團結鄉豪游獵陸澤荆藿間
以保庇井邑爲事蓋有所需以明歸附之志歲己卯

天兵南下公與兄直首率里人迎拜女兒那顏於軍
門嘉其效順授直行寧晉縣事公管軍總校仍聽元
帥蔡國公節制時歲荒民飢道殣相望縣東有水柵
曰瀝城大澤瀾漫周浸百餘里菱芡魚鳧資生之物
甚富民往依大獲厥所庚辰秋金翼州將柴茂以兵
來取兄與公力戰而前直死焉公憤大兄歿歿衆又
失所庇以圖報復瀝爲誓雖食頃不忘也繼從縣長
王帥復奪其柵居無幾茂復合大勢來爭前次滿氏
公聞之盡匿精銳於瀝傍二十里叢葦間以弱誘
茂令之曰伺彼過聽金聲而作親驅數百人前逆鋒
終交即陽北逗茂逾紀氏塢金鳴伏發茂腹背受兵
大挫其銳公回戈追奔五戰皆捷自是翼人聲燭不

敢復窺渾垠矣瀝城用以全安帥閫酬勞授主本縣
簿乙酉冬武仙以真定叛麾下剽節副鄭進等乘勢
剽掠趙癭陶迤東悉為丘墟公度力不可支收合餘
與鼓藁二王帥合勢併破劇鄭諸砦數百級
而還所失保聚生齒皆得復故丙戌冬仙復令劇鎮
戍趙州明年春從大兵規取克焉時太師木花里以
顯封拜錄公前後功授公行鼓城帥府右監軍
銀符使顯異焉既而陞充本縣令以寧昌為世
封於是招流亾布恩惠畫井開起市集屬居有貿易
之利田里無追呼之擾田民樂業外戶為不扃矣
田務抑游墮扶寡弱法姦蠹是又公之所必行
慊民有衣食不自給者公發私藏以贍之富

足帥府聞之為復其三年公雖貴必耕而食蚕而後
衣居嘗以榜揭門扉私囑干謂請毋相覲其廉守如
此癸丑春以老致仕令男天澤嗣職優游里社日課
子孫耕鑿為務嘗芥桑田間或勸之公曰官時來
為農吾家素業我若爾兒輩尚墮而自安或者謝而
去古人稱貴而能賤丈夫之事公其有焉以至元十
一年十月廿二日考終牖下享年八十有七越四日
葬縣西北下王里之新塋祀也祖送者幾萬人夫人
祕氏趙氏張氏子男六人長曰天澤歷寧晉元氏兩
縣簿次天祿本縣奧魯千戶次天祐監寧晉酒次天
祚不仕次天祥次天祐某鎮巡檢女四人長與次俱
適趙氏次適牛氏次適郝氏男孫一十九人女孫一

十三人重孫男一十八人重孫女一十三人初公畜家僮數百指悉縱遣為良曾無鬻身分役之責人又欽其德厚云天祿性孝義伉伉有父風以北孟舊瑩屢為溲浸所啗遂改卜於此既襄事贊禮幣百拜來請銘予方問俗浚濱見其遺黎故老脫離兵革六十餘載猶為懷思王李諸人眷眷不忘有配社尸祝之報嗚呼貞祐之亂可謂離且瘼矣元元之民莫適所歸不為人所魚肉必轉死溝壑如王李諸公雖奮棘矜起壠畝至於父子昆弟出死力角群豪經營捍蔽使一方奠安又識夫天運所在挈民去危邦而就興國誠亦出人意表一時賢豪者也甫定後復能俾官府生聚日就完好今歷官鄉曲歲時拜墓于于而來

者皆曩時不能自存之嗣續也其德民之厚感民之深又何止童不雉捕長江之虎渡者哉且其子孫繩繩螻蟻皆有所立然後知德施於民功被一時者大之垂報何其豐且阜哉

瘦陶北郊

里號下王

顧瞻佳城

蔚乎蒼蒼

是為晉長

李公之截

惟是李公

千夫之防

果毅之勇

木訥之剛

奮身隴畝

舉圖義匡

貞祐南播

雲擾之倣

割據侵凌

互相魚肉

民匪殲夷

轉死溝谷

宛彼瀝城

居水之腹

羨矣魚鳧

大益不足

聞公來依

襁負相續

如鹿走音

如鳥棲木

四境騷然

獨為樂國

耿氏昆仲

旌旗部曲

既復兄讎

又知所屬

草昧初分

官府始置

戰我武幹

明夫吏治

內守以廉

外方以義

撫循有方

興滯補弊

扶弱抑強

繩姦束吏

百戰遺黎

竟保終惠

民之戴公

頌聲熾臧

尸而祝之

懷思罔替

勒銘豐碑

尚克永世

大元國故河中府南北道航橋總管謝公

墓碣銘

字仲進其先熈之香河人

吾衛上將軍河東路總帥其仲子也為人性行淑均沉實有碩慮既冠嘗從父西破川蜀每領牙隊居前當破竹際掩目憶心未嘗以嗜殺為快雖執訊獲醜力為全活者甚衆用勞充秦鞏路軍儲大使辦集有方餉道為不乏丁已夏先帥薨君實主其喪纒杖瘠立躬起塋壙棺衾儀物既易可觀會者大說復樹豐碑昭德神道其例新任有光焉大兄維石襲父職役軍中行臺檄君以例緝執不可曰兄念天顯極文愛碩其不啻若手足然家事一聽于處鞠立之責正在今日竟以其嗣往代其適追求言之思友于卹孤之義蓋終身焉其爾過於人遠甚者類多此晚節以故侯失將駕下澤乘欵段遊居中條田間耕牧卒歲

裕如也至元乙亥冬十二月廿有六日以疾終平陽
所崇道里私第之正寢得年五十有五官至河中府
舡橋總管越三日厝於府東神泉鄉之南里原從遷
隴也萬口稱惜咸以善人歸焉夫人劉氏晉之平陽
人德柔嘉主內事殊嚴生三子長曰純克家有立志
次曰繹謹忍嚮子道季氏女一適裴氏子孫男一人
未名既卒哭嗣子純來求表其墓道予私念其故昔
孔子遇舊館人喪脫駟馬以賻曰吾惡夫涕之無從
也君於予西道之主人也從游讌語姁姁然蓋三年
于茲殆非過客之有頃其可辭不敏君生長秦晉
間而禮度雍雅不知為將家子與人交信
無間言其在諸弟間棟華輝蔭惟恐弗

又出天稟粹然也嗚呼以君之德之壽較之有不相
稱及者仍哀之以辭銘曰
蒼茫兩間生也倏寓一氣之來命有定數彼修短與
奪理則有之若不繫夫善惡積習之故嗚呼謝君一
僨而去孝友淑善曾終始渝素天之報施如此豈定
者不可奪來者固所與也將子孫延昌以求其終譽
邪吁

故將仕郎汝縣尹韓府君墓表

府君姓韓氏諱樹字巨川其先陳留酸棗人世以儒
業顯遠祖有方官至大司空六代祖璿累階銀青榮
祿大夫五季間北渡河遂占籍為衛人榮祿生朝奉
大夫祇德朝奉生八十一秀才奕山山生渤亦舉進

士渤生相善居室遂用富饒於君爲曾祖祖悅有淳
德不耀父仲字仲寬所居以善行稱君自穉齒性沉
潛寡言笑群兒劇里中過不少睨宗黨異焉稍長以
刀筆起家用言者爲安陽吏主掾以能入爲府屬吏
丙辰歲 朝廷以相之五縣封 太弟爲米邑繼郡
帥例肆覲君毅然以民計從行及數對稱
戶曹孔目官明年春降璽書起聘君大
原高公鳴爲彰德路總管遂汰冗員擢群能新舊圖
至設府史不數人君首以才選無幾轉按牘提控官
夙夜在公勵精所事閱六歲克勤猶一日大爲總尹
知守錄事參軍至元二年轉官制行積前後勞授
以縣尹下車首以美俗邵農爲務頌謂僚屬曰富足

者禮義之資耕桑者風化之本至於飾亭傳謹迎候
奉 上官徼目前譽非吾所知也於是下教條課力
丁斲藁薄植桑菓以敦大本非農隙不許入城市暇
則行縣檢視勤墮而賞罰焉自是遠隔响响榛惡爲
有間鄉隣有以忿閱訟於庭者君曰孝悌力田親仁
善鄰古之善道初無大故何乃至爾諭而遣之至頑
不率教則曰聽兩造明曲直是不難恐一置于罰終
身玷辱爲鄉黨指誚吾惜汝者此也儻不吾念論如
法比秩滿五事備舉所獲來暮之歌厥聲載路矣五
年用新銓法勅授將仕郎主高唐縣簿九九月與疾
歸明年卒於絃歌里舍得年四十有八實至元庚午
春二月一日也越十有九日從葬安陽縣西陵鄉武

官原之新塋母李氏時年八十拊柩而哭之慟曰天
乎遽奪我純孝至此酷邪聞者憫其賢孝縣君金相
人進士秦公之孫配君德良稱生子男三長曰從益
目憲臺六察史今為燕南河北道提刑按察司書史
次從恩從革女明童適王氏子男孫四人後九年歲
戊寅冬十一月七日終柩安玄堂之左禮也初縣境
夏大旱比致禱私念事之壅底獄之鬱滯亦沴氣是
致乃裁決牢繫為一空及禱蒼山祠雲舞未收雲幢
幢起中谿翼日雨盈尺繼謝祠下車還衆曰尹精誠
若是當有回馬兩表公虔至半途果然尋鄰道以蝗
災告備已而竟不入境縣狀其異以聞是秋為有年
君溫雅有沈量慮事遠善措畫臨政暇裕畧不動聲

色亦未嘗矜喜以己長格物其孝愛友悌出天秉粹
然不忍一朝違母氏側嘗行役踰時眷焉陟岵寢饋
為不安於承顏孺慕若此其至初見第季既多枝葉
蕃衍門戶事繁重故挺身更業盡心所事匪厥躬是
私期於庇本根寬父母抱者幾三十年若府君者可
謂克孝克恭念顯養志者矣某祖妣韓是為君女叔
曰叔者稱之妹也出六帖君之嗣從益而某行為外弟一日謁
而請曰先人棄養奄踰八年坎不及誌有術未祛唯
是表於墓左者又闕罪惡之大無可言若銘則尚於
兄焉有託某追惟祖妣平生之言得君抱為寢詳因
繫之以銘銘曰

於鏗韓氏世為儒之宗乃彰纓若綬揚歷位乎公兮

倚嗟裔孫掾習匪其躬兮昆勉從事養夫親之志兮
庇我本根殆葛藟之義兮聖哲所稱吾今見其人兮
於穆府君諒彼古之倫兮兩漢循吏鑄頑以成仁兮
嗚呼令尹誠亦吏之循兮予銘撫實其敢過焉文兮
魂而有靈尚懔嘆之一伸兮

秋澗先生大全文集卷第六十

秋澗先生大全文集卷第六十一

碣銘

故善士張君墓碣銘 并序

善士張君諱從禮字仲和順州龍山人大父德仁有
耆行鄉人尊敬之禰義嘗任燕工技府總管既老君
當襲職請於府曰親老需待余志已定弟從順賢而
克荷願畀之竟以從順嗣仲和安清介不隨俗上下
嘗從澹游先生學詩甚自意也事母教弟以孝友聞
承顏讀書外室屢空宴如也君既不樂仕進嘗曰菽
水盡歡不害養志三釜五鼎非所願也至傭筆以供
朝夕平生友非逾已而不交曰吾將安做施非當受
而取曰畏將曷勝弟從順洎婦併歿孤姪敏方三歲

為鞠育成人過於已出至贅子智於友生羊舌氏家
 仍為敏納室是亦人難能也詹事張侯高其孝義憐
 其窮獨出楮幣數千緡付之約得子錢悉助親養君
 以義重德薄謝弗敢當郡國知其賢以孝廉累辟亦
 不就臺憲廉得其實旌焉復之終身君悚然嘆曰人
 子奉親理固當然因而有加邦之教也顧從禮何足
 以為

植 上明分有如是者所居曲水里有亭沼
 挺若儼侍溫清暇日哦其間有問者
 事子姑去自號栢溪主人左山商公
 得贊之 京師之明年君來謁
 見眉間今雖已矣尚
 以孝止善者也至元癸巳

能

春母氏弃養以哀毀致疾是年冬十月三日考終牖
 下得年五十有六配劉氏亦能安君貧窶卓世生子
 智及二女適裴氏王氏再娶董亦前君歿生子曾葬
 壇州密雲鄉之王冢原友人劉某重契義介嗣子智
 中表其墓以君篤行有類古人者為之銘銘曰
 堪輿兩間子職不易孝為化源融而友悌君於二者
 行不少匱濟以廉貞大錫厥類目為善士吾言匪比
 其善伊何可欲之謂况乎質美而學行方而義繫匹
 夫而化鄉人曾克施之弗異五十六年為樂也洵洵
 去水來山密雲之隰隱然斧封山塚屹立是惟吾曾
 張仲之室過者必式

後漢張霸性孝讓舉劾
 合礼鄉人号張曾子

故雲中高君墓碣銘 并叙

君諱祐字仲和其先雲中入高祖已來遠昭穆無可
詳者伯父與考金季家撫州以財雄邊伯父德真字
伯諒潛德不仕考諱德榮伯寬其字也姿醇厚鄉黨
以德人稱嘗以勞權豐利酒伯母暨君之妣皆張氏
女以姒姪而列妯娒伯生子曰信字仲禮曰義字仲
仁信美丰儀虎睛豐頤耳珠赴海以樂終君實仲之
嗣兒敦戩性孝悌及長雖混迹闖衆不敢以尋常
期初燕雲失守豐利府君避地南遷汴梁壬辰歲例
北徙以實衛墟君與兄信素負心計相與謀曰衛居
天中寔通都劇邑百物夥繁合散於此若以什一與
時馳逐可致屋潤遂主貨殖為業君為人篤信明敏
不底蘊留既易彼取收息且廉故聲實出出商賈輿

集其門貲既饒多不忍顯利自滯以衷多益寡為得
每每貸子錢有不克償及群居邸舍積儉直而負者
審其窘悉折券無難色由是三郎以長者稱於中外
至元十九年五月四日以疾終于家壽六十有五三
日葬汝縣汝城鄉南王里之原從新阡也配張氏與
君德良稱生四子長曰明福以通幹由泰鹽管勾任
河南府文鈔庫使次世其世顯世昌孫二人曰夢曰
莘姪三人曰夢得鄉貢儒士前君卒曰世傑世寧姪
孫二曰革曰華重孫一曰復亨明年明福以墓碣來
請銘余以同里巷者五十年知高氏為最詳即其富
潤齒息而論蓋自高曾而降凡六世雖荐更世故以
孝義勤儉同居不折故也至君承父兄餘業益光大

於後內則齊理嚴肅以身率先族屬家僮千有餘指
無間言日趨事惟謹屋廬被服務從朴素常以驕靡
為戒外則持心近厚與物無滯敬畏官府奔走輸辦
未嘗少厭所患謀生之不勤胡恤王事之時亟也自
壬子通閩後高氏迄今為河朔名數之冠豈偶然哉
故遠服賈者雖千萬里外念實尊饒枯獨以高氏為
讓矧高氏以義致利義重於生因貨致富富而不驕
為子孫又能求銘以昭世德是又好禮而知本者也
焉得碎銘曰

富壽

五福先

匪欲厚

能昇全

高氏

起雲燕

凡六世

財雄邊

重利

始南遷

縮衛坻

迹市鄆

居家里

無間言

我屋豐

利匪顯

益寡乏

貫子錢

長者紉

動河壩

供厥賦

日翩翩

曾不憚

生勉旃

業攸久

族嬋媯

服而食

耻華鮮

孝與義

為周旋

勤不置

理固然

繼之者

當鑒焉

行山秀

淇水淵

高氏裔

與並傳

新鄉縣尹劉君去思碣銘并序

衛之屬邑曰新中鄉其地距太行東麓棄土衍沃浸
以清泉之潤民俗殷阜自昔號河朔望縣惟其物廣
而訟囂路衝而務劇故治稱為難然渴饒而易飲食
者民之心也得其人苟有以俯而安之將見民戴之

如父母仰之如神明惟恐來之暮而去之遽也維至
元元六年南宮劉君理由江淮漕莫來主縣治君姿
幹敏有機警相時處宜果於裁斷既視事思有以事
集于上民便於下於是舉條章明約束均賦役却造
請凡轡馭之急遽者馴而致之不務高遠率先以身
爲度縣當關陝驛程使駟轉致日相望於道吏民疲
於供頓君量其輕重處之有方無名而求索者皆以
理謝之則乘間侵牟之弊日就斂息廨舍一縣具瞻
陋不克治事非所以整暇也計材庀工易故而新增
葺者十餘楹復起蕭相祠俾吏曹不自鄙薄以信景
慕邵公橋跨清水上歲久墊齧競於履危乘隙大捷
砥甬齊官柳爲梁方之舊締既高而固役不知勞而

民免病涉至治道塗取通快堙汗夷峻徒行輦致坦
不少阻歲時邵農暴糧自隨周行田里未嘗追呼俾
妨時作耕稼蚕績檢括課視切於己私復諭之以勤
儉申之以孝悌使遷善而遠罪由是邑里感念昏於
作勞生里且滋殖矣下迨鰥寡顛連亦行得所流逋
聞之稍稍復業故賦稅輸納不及期而辦詞訟繁囂
不俟約而簡君以令行民信教焉可後乃出已稍崇
飾廟學如蓋瓦級博之破壞者丹堊漉漫之不鮮者
一完而與之復葺黼座陶器周繚密垣外障儀闈
春秋釋菜禮容爲增肅暇則禮師儒率僚吏暨邑之
子弟聽其講說使知所務故三載間庭無留訟牢戶
爲屢空至隣有疑讞滯而未決者上官倚之丕蔽而

縣之治否爲可知已君既更耆舊苗仲牛世麟慕實
羅從玉郭昌祚席安等懷其夙愛有思罔置者來謁
文以垂示于後辭再四不克仍覽觀件狀而次第之
且寓夫余之所感焉嘗觀兩漢循吏政顯風化子視
生民訓牖惠養如恐不及凜然有三代遺風惟其浹
洽於民者深至故所居即化所去見思有起祠樹碑
以表夫永載遺賢之意非幸也宜也迨叔世司牧者
昧於治體苟簡貪墨習爲當然其可聞者不過曉簿
書以爲能飾矯僞以干譽其於民之休戚漠然如秦
人視越人之肥瘠甚者因之以急張臨之以形勢利
民之肌以膏其身傾民之產以肥其室使民畏之甚
豺虎惡之劇寇讎告訐謗譎無所不至以理勢論之

亦宜也今劉君以勤強幹敏力矯時弊致績用章著
吏民稱道如是可謂能也已宜銘銘曰

天下之事孰覈孰綜政發于上相臣是控事終于下
疇致厥用相頌成務匪令案共雖百里間務實煩閱
有社有民有賦有貢兵之貧難民之疾痛期會簿書
風俗獄訟我剖我決我承我奉粵惟良能治之有統
千室鳴弦五袴流頌以致朝堂令無太總庶事日
康四方風動增秩賜金璽書褒誦繫爾責望得人爲
重暨暨劉尹事功自恚挺身頽流卓爾爲治不務高
遠不涉苛細相時致宜因利而利瘦自我蠲聲由實
致所以懷思去而罔替截鏗願留非愚敢覬胡若稱
述垂聲來此刻石縣門永照鄺衛

故太一二代度師先考韓君墓碣銘

并序

君諱矩字某其先為大梁望族曾祖壽五季時官司
 諫以銀青榮祿大夫致仕避地北渡遂占籍為衛人
 祖奕大觀末舉茂才數為縣有聲父勸金初登進士
 第有文采終獲嘉令君自少以疾不仕資慈祥家故
 饒財心樂施與凡親舊貧窶里喪有不克襄事者至
 傾刮囊篋以賙其急或者來謝曰非初心也鄉黨以
 長者稱天眷間太一始祖真人以神道設教遠近嚮
 風受錄為門徒者歲無慮千數君舉族清修信禮為
 尤至香火之奉雖寒暑風雨不爽厥德已而君內子
 闔以嗣事為禱真人篆丹符令吞之且曰汝家積善
 父當產異人既誕師果有奇表真人目之曰他日輔

與吾教者此兒也甫免抱即留養道宮三歲識字七
 歲善書既長儀觀秀偉慧悟絕人批荅辭章捷若影
 響由清虛師主盟法席二十餘年輔與之言有充而
 至於極者今追定仙號曰太一二代嗣教重明真人
 由是而觀韓氏一門之積其來固遠以有是子而論
 之君之德槩可見矣雖年甫中壽師易韓為蕭至於
 克荷玄綱光隆教本在韓宗亦為不朽君既歿重明
 躬葬君於四門里祖塋之次母閻氏祔焉禮也六代
 度師全祐顧惟傳嗣之重猥及余末于何以圖報維
 是師真所從出者其潛德幽光表而銘之中心庶獲
 少安乃以刻文來請師於其祖妣妙清君列叔父行
 義不可詳遂叙其世次而系之以銘銘曰

卷之十一
作善降祥長惡得厲在理必然隨感而至赫赫韓宗
德顯河衛衍慶及君藩而濟淪俟著而發乃生異人
異人伊何太一次祖提挈玄綱鵬鸞鳳翥庇及本宗
光隆立土松栢蕭園連崗接武神格仙遊有來咨與
風駕雲軒同翻共馭純化追遠歸厚來昆泝流尋源
以表道根勒銘墓石永貫四門

太一三代度師先考王君墓表

君姓王氏諱守謙字受益傳之堂邑人世以播種為
業致資產豐阜田以井而計者九畝以株而會者蓋
萬數焉遂為里中鉅家然閨門善良薄於世味奉道
之心亟若饑渴聞太一教以符籙濟度世厄所在奔
是惟恐其後君乃與其配李氏欽挹真風不遠千里

為門弟子量家歲費外悉以贏餘為本宮香火供
有子曰志冲即今太一三代度師也師生而岐嶷七
歲出就外傳應對進退皆中禮度及毀齒善記誦喜
讀老莊等書初君董田務於野午憇蔭下寤寐間若
聞呵喝聲見數青衣人導一童子前來且曰天仙過
此可少避恍視之無有適師持壺漿來饒君異而不
出口自度是兒恐終非田舍中物也及長父兄與議
婚不許曰去家入道乃所願也遂禮二代師為黃冠
以經明行脩得度入道士列既嗣法席遭遇道陵特
賜號玄通大師君聞而喜曰天仙之異誠有驗矣且
曰平生奉道獲此實報王氏為有後矣享年七十有
六考終傭下師以禮葬本縣王莊里祖塋之右母李

氏祔焉今度師勅定仙號曰體道虛寂真人其師真
之德靈應之蹟詳見墓碑茲不復云六代度師全祐
嗣教之七年自燕命提點張居祐等以禮幣來謁且
致其意曰道家者流雖崇尚玄默而太一教法專以
篤人倫翊世教為本至於聚廬託處似踈而親師弟
子之兩間傳度授受實有父子之義焉今三代師真
其在宗門表墓有碑嗣法有傳可謂光且顯矣然物
之在天壤間未有無本而出者今未有餘榮而本為
寂然豈厚人倫輔世教之理哉敢百拜以表辭為屬
幸憲使無拒予以師之言誠為知所本矣遂諾而作
之表

故真靖大師衛輝路道教提點張公墓碣

銘并序

道有綱紀需人而後弘如上承師真下綜法務以公
材吏用而開玄佐之功者其鍊師張公乎公諱善淵
字幾道趙郡平棘人生有異相比長言灑灑有序父
溥嘗任衛真縣酒坊使時太一四代祖中和真人提
點毫之太清宮溥素挹真風日侍師於几席間沾沾
然而喜曰吾兒知所於託遂築禮為門弟子中和人
品高邁道價重一世與游者公卿賢士夫一動靜語
默皆中倫慮公親炙既久日有所得與之俱化若時
雨然歲壬辰河南大兵公與中和隔離者久之既而
聞師北渡稅駕於趙迺奔奉焉師忻甚曰奔奏疏附
吾宗門有人矣即令知太清觀事丙午夏四月侍中

和赴

太后幄殿及見亦霑寵眷奏受真定路教門提點仍賜白錦法服命代中和頒錦幡寶香於崧高太華二

以祈福祐時衛之祖觀兵燼後鞠為草棘中和昇經理不三數年神庭燕颯頓還舊觀壬子夏六月

從中和北觀嶺卽加號真靖大帥改提點衛輝路道教事甲寅歲復奉旨致禮嶽瀆癸丑冬詔天下

赴燕長春宮修羅天清醮公奉五代貞常真人會其所以致顯宗教推轂嗣師高出衆表俾道流

公力居多已未春

上南巡臨幸壽宮時公以疾不克朝謁上言念舊近侍存問仍賜御藥葡萄酒服之病良已故中

統二年換受宣詞有云操持堅正祭醮精嚴隨師遠覲於闕庭奉命敬祠於嶽瀆已加玄號宜煥新章之旨道論為榮馮公資清峭貞幹臨事敏而善斷馭衆肅而有方雖一言語出人意表不肯碌碌混常流中生平意讀書於老子最有得故行已接物多掇其微妙至於禱饗醮祭內嚴外辦綽有餘裕兩從中和北上沈幾先物往返萬里無不如志嘗奉旨給諸道度牒鶴馭所經例有贖公略無私焉其清介遠大又如此壽七十委蛻於太一順事齋室實至元乙亥正月廿五日也越三日陪葬祖塋之次後八年六代祖純一真人念公有力宗門在玄士為傑出有不當泯於後者丐予文以識墓窆因撫其行實而系之以

碑銘曰

真靖受業

始於中和

荆璞雖美

器成琢磨

東瀛北渡

載造玄科

用匪其人

道將若何

公綜玄務

辦於益多

龍庭再召

萬里周旋

竹宮咸秩

羽服雲闈

尊師顯教

我力孔宣

玄網張弛

曲而全

道價軒輕

濟之以權

塵而下

歎其才賢

儂游有限

道館驚捐

斲石紀行

以大斯傳

雖高深兮易位

尚知為玄門之玄

提點彰德路道教事寂然子霍君道行碣

銘并序

國朝甲辰乙巳間鹿庵先生教授共城不肖亦忝侍
 几杖時有為全真學者重玄李練師自相下來買田
 於卓泉立棲真別館既而重玄北歸委紀綱士霍君
 明道為之營建不數年朔堂殿廊廡煥然一新際泉
 兩涘盡植巨竹陰翳數百畝中構筠溪亭招致吾徒
 徜徉笑傲其上由是卓泉道院聞於遠邇遙名洞天
 福地之末雖重玄創始之勤而霍君明道實有力焉
 師諱志真號寂然子明道其字也系出安陽縣秋口
 農里大家父諱澤嘗養一麻衣道士云自天壇來求
 託宿許焉寤而誕師幼不好弄寡言笑既長性淡泊
 不樂榮利弱冠辟親學道父憶夙徵即允其請迺詣

相之天慶宮禮重玄子為門人全真家禁睡眠謂之
消陰魔服勤苦而曰打塵勞以折其強梗驕吝之氣
師從事於此者閱三十寒暑略無憚色重玄諗其為
受道器命主治玄門事擬志誠確措畫井井有法及
卜築蘇門委之鋪敦教基弘演宗緒俾特達而有所
樹立焉師披荆榛掇瓦礫攻苦食淡擴充師志復闢
農畝創水磴廣資生理培植教本致遠邇尊禮學者
日衆至於齋廬深靜井竈修潔遊人過客如歸而仰
給焉道俗推舉任輝之威儀師滌除玄覽痛自澄治
務正己以格物有辨訟者率用理遣不知官府為何
事羽流敬安一方凝重至二十載之久年踰耳順相
吏民宿仰道價請主天慶宮既至受提點彰德路

道教事凡十有三祀牛尊德重不俟言論而衆自化
服以某年月日沐浴易衣冠無疾而逝壽八十有一
葬安陽縣王裕里重玄仙塚之側師半度清逸若山
澤之驩外朴而內敏質直而尚義簡重自居處事得
時措之宜和同光塵接物無拘俗之弊其訓導徒輩
言約理到以身為律度可謂純乎其純玄之又玄者
也門人杜志用夙承提誨圖報無方琢石紀銘期傳
不朽乃介太一純一真人李公來屬筆予既重李請
又與師有夙宿之雅既叙其行已而系之以辭銘曰
道之大原文文五千誕誇索隱匪其正傳質稟貞素
心地善彌惟界也全內思靜專耕田鑿井順乎世緣
修已求志繕吾性天無欲觀妙是為道之自然尚無

往而不可孰間朝市之與林泉若人者雖棄化而委
蛻安知其精純之氣不乘冷風而仙耶門人攀慕白
雲翻躑勒銘松臺何千百年

疑寂大師衛輝路道教都提點張公墓碣

銘并序

師諱居祐字天錫世爲汲郡人父道用居樂善東北
坊以茗飲爲業師早失怙恃兄居仁訓育有方甫長
愿立如成人然向慕玄風亟若飢渴思得大宗師依
歸以果其腹歲壬辰天兵下河朔時太一四代度師
自柘城北渡應大將撒吉思請主新衛昭順聖后祠
居仁舉家崇奉遂命師爲門弟子居無幾何度師北
遷住趙之太清宮以師童侍有年謹敬不怠念焉遂

度爲道士俄命掌觀之廩料出納詳明儉而中禮曾
無撮龠之悞度師稱其能時衛之祖觀兵後燬廢掃
地度師遣提點張善洲詣衛與復且請師以佐葺理
允焉師爲戮力從事小大之役率以身先之既而張
侍鶴馭北觀營建事師獨任之不十稔壇殿齊室下
暨庖福庫廡井一新已酉春中和真人還衛願視
喜其得人己酉冬中和昇寂師辦身葬事焦勞爲多
丁巳冬以事召赴行殿勞歸露衣幣有加還真常真
人以師貞幹有節命知宮事繼陞充提舉中統三年
上遣使植碑壽官師復趣辦不踰其素於國光有華
至元十九年六代純一真人嗣主法席以師道行純
粹勤恪有功言於朝宣授疑寂大師衛輝路道教都

提點七年間道流推服教門增重焉北六年二月五日得寒疾再宿談笑而逝及歛予臨視面如生吁亦異哉享年七十有二越七日提點范全定等葬師於四門里祖塋之側禮也師為人樂易無~~情~~祗苟有過須問之人而無憚於改不然咽若有物所梗其歷事三師前後五十餘載護道服勤始卒德不爽純一真人以予鄉曲故持狀來謁銘因憶十九年冬予寓大都道宮適師與會宵永無寐龕燈爐火尊俎談舊嘗及萬靈坑事悲世故之無常悼逝者之如是凄然動華表歸語之感故師每歲例清明后一日丐飲酒肴楮幣等物斗量車載展祭塚吹以慰鄉梓冥漠之魂恐其心之不盡也其於存歿兩間亦迥遠歸厚之

意也歟是可銘銘曰

太一設教
源人乃崇
致身福地
發之天衷
師事三葉
為報何豐
陪葬其側
永示無窮

故卓行劉先生墓表

先生諱德洲字道濟襄國中丘人性癖直有操守好學能自刻厲及游潯南王先生門思索辨惑等說自

幽顯兩通
九曰云為
猗歟張公
德度冲融
逢教之隆
敦考若朴
寂不俗絕
勞而有功
罔異初終
一朝委蛻
祖塋之東
萬栢葱籠
若堂有封
鏡銘表石

是饜餮史學為專門之業古心古見非禮義不安言
動一芥不取於人朋友死雖千里遠徒步必至觀前
賢竒蹟偉行擊節嘆賞而不能自己至稚耕牛以饗
實王殺乘馬而祭昭烈其或憫時之艱急人之難切
於已私而不置也始則人大以為異既而疑焉終延
嘆服曰先生篤行直躬守死善道者也北渡後赴戎
戍試魁河北西路速中統建先三府辟其行能授翰
林待制晚節知圓鑿方枘不能與時西匿乃以所得
成就學者立言傳後著三為書數萬言其說為天地
立極為生民立本為聖賢立法敷林温公通鑑數百
條技翊章武俾承正統及見考亭綱目書多所脗合
沾沾而喜曰吾天地間可謂不孤矣又通古文竒字

士多傳習之九經指授者雖節目礫砢表表有所立
或惜其獨善不顯諸用然振衰善俗激厲後人多矣
太保劉公左轄張公以鄉曲義來周卹皆却之曰吾
非踴躍涼涼闕然媚於世者也至有以禮願交而弗
之允者許魯齋每道邢必式間致恭而去壬子秋不
肖始覲先生於胙對榻學館夜參半欵起撼子曰吾
於漢丞相亮論議際有所得惜不並時當有說云云
至元壬午子按部夷儀謁先生於天貺齋樓遲蓬蓽
心融一天自樂其樂英發之氣至老不衰先生近何
賦適作四免辨天府七星挽章于以張皇幽眇振耀
漢靈一何壯也臨訣握子手曰吾耄矣斯文未喪子
其自將行有以異之既而聞卧疾慮乏調養詢諸友

生始知先生有子僕早世女孫一適康氏子新婦女
孫皆不聽侍疾卒年七秩有八時至元丙戌九月廿
二日也葬蓬山之西丘後十五年晚進王寧合鄉國
議來請曰先生學貫三才養素丘園行媿於古人望
高乎一世沒當坊名用垂光範予謂寧曰士風之不
振也久矣道義之斷喪也微矣安得高風苦節如先
生者哉昔孟東野以詩鳴唐張藉私謚曰貞曜程伯
淳以道自任潞公揭之曰明道今擬二例如以卓行
加之則名與行為顯允矣門生民部尚書戎益將礪
石表墓以圖不朽大德三年龍集己亥仲冬吉日翰
林學士中奉大夫知制誥同修國史秋澗王惲為之表
秋澗先生大全文集卷第六十一

秋澗先生大全文集卷第六十二

詛虺魚文并序

王子曝書于庭風動帙開有虺十數輩倘佯其間取
書眎之甚有齧壞者遂為文以詛之亦且攜予懷之
梗槩云其辭曰

嗟上蒼之生物兮曾巨細之不遺隨一物而一名兮
乃各有其所施龍驤首而霧集兮執為搏擊乎而翰飛蜴
緣隙而射蝟兮蚶合淒而應時蟻結陣而雨妥兮蛛
繁絲而喜隨至於蛇虺毒而虎豹猛兮網繩蠲刃人
得驅而遠之彼蟲魚之何為兮當去之而不疑我固
拙而未負兮尚其書之滿家規姚姒而法周孔兮浩

波瀾之無涯念披讀而有次兮譬草木之品差歲翻閱而莫周兮蠹乘隙而遺孽芽感餘泥而化育兮何族類之紛拏正如深山大澤人迹所不至兮足魍魎而生龍蛇爾名爲魚厥兮曰蠹無鱗鬣自以自得不潛淵而躍渚披景慕之虛名編蠶食之邪慮天壤之間充汝腹者多矣尋萍花之墜緒幸不爲人之害兮唯簡編之見惡信黃卷之有味安得幽潛而覈食餓豔輕碧之微軀方曳白鬚而容與曾賢愚之無間兮輒遇之而必妬誰謂汝無牙兮何以穿予之竹素紛蒙籀之紆屈兮致篇章之脫誤欲散帙而撲滅兮念忌器之善喻芟春薺之織葉兮雜芸芳而細注恐物感之有驗兮瘳嘍類之一去曾少力之不獲兮愈滋蕃而

無數汝豈學道之人兮咀糟粕而未悟將生死於文字之間兮疑精思於朝暮不然秦李斯之徒兮師六經而依據一旦燔之而叛道兮俾黔首而聳警流餘孽而見化兮終宇宙而惡著聖防謹其萌芽兮堅冰凝於霜履苟不處而不區兮恐齧缺而無餘也布我床榻汎我庭宇亂牙籤於風中起秋陽之烈馭既不能全湯鼠之磔裂兮以炎暉而爲治具藉流樂之熾燮兮書難爲之一抒燿醜類而莫逃兮逝糜矚於諸部失餘泥之所在兮欵炎光於書戶齊繁竹書之簡森列周宣之鼓固我荷鑄若有神護喜卷舒而無恙殆遺亡而見補既收書而入室遂慨然而懷古彼微蟲之蠹書尚爲害而斯巨吁茲邪之在朝妬忠直於

時主其擯斥危亡之禍將何如哉嗚呼噫嘻我得之矣噐噐管蔡為周公之蠹兮幾誘成於王所賄賂子西為宣父之蠹兮化不雋於荆楚臧倉謀孽為子輿之蠹兮道不行於東魯上官媚嫉為屈平之蠹兮賦懷沙於汨浦匹夫絳灌為賈生之蠹兮老長沙之一傳孫弘變詐為仲舒之蠹兮策不施於漢武恭顯諛慝為蕭傅之蠹兮致災運之中阻封倫小人為鄭公之蠹兮太宗綏以刑而為務廬犯姦邪為真卿之蠹兮卒糜軀於賊虜逢吉陰險為裴度之蠹兮搢紳衣之訕語蠹兮去之而不可疑兮尚拔山之固兮况任遇寵信返為忠直之輔兮奮筆成文吾為此而懼兮

祭諸葛丞相乞靈文

維大元至元八年歲次辛未九月壬戌朔某日奉事
郎前監察御史衛人王某取昭告于

漢大丞相忠武侯諸葛公之靈嗚呼事有曠百世而相感者以道義故也維公擬天人之資奮雲雷而起黜功利之邪說明剛健之正體搜伏群陰嗣興漢紀兩立偏安幽燭厥理茲少康克復之本心何戰國縱橫之可擬由是而觀公之志何意於鼎足而峙也至於開誠心布公道從權制示儀軌牧民訓兵賞善黜戾以君臣大義而言乃忠武開齊之餘事也且魏人畏之而庸如走狐狸而号魍魎偃國旆之威靈漢竒材於壁壘故三代而下巍然王者之佐惟公一人而已繫一介之凡庸何清光之敢企然揚洪蜀郡之功

曹揚顯莫府之屬吏躓一言而表擢感忠規而隕涕
又如李平塵玄以過見廢俾之怨艾固匪遐棄及夫
蜀婦既鬻痛吾已矣恨終左衽發憤而斃是又見公
不屑與新之教采葑采菲之意無以下體而為累也
若憚也質朽才疎有志未遂年迫知命動味操履踴
踴仕途幾年于此八月行臺僅免官訪三年御史莫
吐其氣今則俟天治之孰陶聽鼠肝而蝨臂虽耿耿
以自信復何為而何逝恐生無益於人死罔聞於世
也用是中夜悔歎不遑寤寐乞靈祠下陳辭而跣我
公在天日星昭緯容光必照系間彼此思脫濯其塵
穢扣囊底之餘智覬增益其不能為及訂其頑鄙付
清明於眇躬極臣子之所上有來厥脩神所惠社麻

免夫正與時馳意從歲易悲漢窮盧遂成枯妾區區
之懷竟無及於追悔也尚享

為虎害移澤州山靈文

大元國至元十二年九月日承直郎平陽路總管府
判官王惲近被藩府檄伐石東鄙有以虎害言者謹
移文以告澤為用當太行心腹間傍畝長林巨壑獸
歸所交窟宅所在然鳥獸陰類神寔主司陰禦然捍
限隔常處制其暴厲使無犯越以為人害此神之職
守吏之責也今不逞之獸悍然不安其所安食其所
不當食怖農耕梗行路咬民畜膏肥厥身以孳乳其
遺類亂區制之常經忽太府之命吏是將與吏民雜
處此土方今聖賢在上世道清夷政令簡肅年穀登

盜賊弭守吏者承流宣化收養斯民為任坐視若此
安能俛首降心偷安朝夕容此物橫重念民之於國
備犧牲粢盛供天地百神之祀出兵賦芻餉佐軍旅
征伐之用重繁若此幽明兩間敢不敬忌以顧恤邦
本且民又未嘗輒犯於彼嗚呼為而然哉若曰妖孽之
來蓋有由然極吏之不德政有不善自有任其責者
奈何禍延平民使居者行者惴惴焉懷旦夕不安之
恐一至於此哉即欲窮幽致討勦絕而後已逮禽獮
草薶等耳然神不於其告輒從事於彼是守吏不有
其神此文告所以先也維神聰明正直念守吏克虔
之告思職分當然之理赫靈威迅符牒搜索兇渠斃
諸原野餘則鞭笞驅逐遠放林壑限以常處永絕斯

害使一方安靖遂曰里有生之樂虽神之職也是神
惠也惟明靈其圖之

瘞畜犬文有銘

犬之於人有功矣晝則守禦夜則警盜其健則能搏
物猛則能取威窮則不遺其主靈則不失其家茲犬
德之大率也子有畜犬曰蒼頭髯狹被體耽耽然有
獅猛之姿誠獵髦之上品也其為德則不貪鯨不舐
穢不虛吠不狂遊寢有常處履擇其地投之物非嗾
之不敢嚙叱之退非招之不敢前至於親屬賓客一
及於嚮者聆其聲亦能識其人指揮馴狎咸會又意
可謂有人性而無狸德矣嗚呼物之生穉而壯壯而
老老而病病而死順常理也主人何憾焉且計其歸

干我以至於死蓋十有一年于茲其服勤守禦功亦多矣主人惻然而興念童子具備鍾裘以寢簣枕用玄石瘞於古堞之下亦弊蓋不奔母使首陷之義也記曰捕田鼠者祀之矧犬殉於人也昭昭矣故係之銘 其辭曰
嗟嗟奇獫狁望之種曰守曰禦交靜或動靡失其常風鳴意聳卧護我家取威于衆相非狸德尔馴且勇唯有稱德与良馬共生亡服勤死當礼送弊蓋之義敢不是奉

諭平陽路官吏文為判官初任時作時年五月也

契勘國家張官置吏本以為民且縣而州州而府吏而官歸跡上下分殊大小賤異以承宣而言寔為一

體至若親臨民事周知下情如賦稅課程婚姻良賤債負田宅刑名等事推明根源分別曲直兩盡物情一歸于正為莫若州縣耳故諺有之既為民父母當作子孫看此言虽微可以喻大恐不當憚其煩勞一委於吏致開塞律門情生詐起附會科條高下其手富強恃勢者理本曲而返神貧弱冤抑者情久鬱而罔訴事体既乖勢成稽滯及愬者有辭莫可推延仍作疑似上之于州州司設有窺避事情捨難趨易艱於勞心者止憑縣解略不詳審輒上於府者有之易而有謂者一委胥吏聽其飾說亂行剖決者有之謂如按驗未完辭情稍備或明具条款不行定擬冒亂上陳倖其万一者有之又念徇情同列者視違錯而

不言既滿懼者以患失而為慮至於辭不清明而曰
民囂於訟身不力行而曰事擁于下以戕以分何不
思之深也總府固當持大綱畧苛細不宜求痕洗垢
以察為明然念軍國之利害刑罰之枉濫脫或差悞
而總府亦不敢鉗大綱究其所以自有任其責者矣
至若總司行有不逮虧一遺之紀綱亦何以逃朝廷
共理之責乎又念郎官止應列宿苟非其人百里受
害靜言思之可不畏欤稔聞公等類皆明直恪勤官
政小則寄百里之命大則近連率之職天官天祿寔
荷恩榮獨有履正奉公竭盡心力以功名圖報上可
以答國家委寄之恩下可以塞為民父母之望噫社
稷人民莫非王事視如私家無不修理推廣此意又

何俟告辭之丁寧公移之督責也自今以往計能強
其所當行勉其所未盡以一體為心共理為務遠懲
積習作新斯民使一道元元露被王澤而遂有生之
樂寔公等之力推府敢叨其功乎所以集眾思廣忠
益者惟期王事有成則總府亦庶乎其寡過矣

敦諭百姓文

汝等性秉五常智周品物聞善必遷知過速改此
固有之理恒久保身之道也方今明教化勸農桑彰
善瘡惡為務庶爾有眾比屋安然遂有生之樂此明
天子之意也平陽陶唐故都詩書遺俗世不之德比
者自遠思之化陵夷衰晉之風尚氣亢強頗乖正理
致使訟牒囂繁動經歲月較其所爭至甚微眇親舊

變為仇讎畎畝棄而荒穢事端既起歲計一空亟當
戒者乘氣窒塞不度輕重果於自殘禍延後人嗚呼
一念輕生乃至於此非愚而何况朝廷委付守臣之
責非特有司常務而已正以承流宣化美厚風俗安
靖一方為重兄兄弟弟夫夫婦婦恩義至篤也不可
因細故而致爭比鄰共里連鄉並黨緩急相恤也不
可以小忿而與謗蓋好鬪者喪身之原健訟者破家
之本與言及此我心悲傷汝也何心忍於為此常念
禮讓者安順和睦之方孝悌者福澤富厚之昧自新
終身樂地能爾何止公庭致束杖之清田里獲兵安
之樂將見祖先神靈安於上子孫德澤流於下比屋
雍熙永為善俗豈不快哉豈不樂哉據教諭社長菁

舊人等請以此意敦諭中外使咸知勸戒毋重其改
作也其有不待教率自來孝悌勤儉力田而省事循
理而畏法者申明上司別加顯異若免頑如前恬不
知省上違摠府之訓誦下悖父兄之忠告是亂常敗
俗之人國有常刑悔將何及至於有司非橫以侵牟
豪強兼并而為事科差不均力役偏重縱而不問以
致失宜使汝下情鬱抑控告無所是摠司撫字無方
得罪於汝將何以息閭里愁嘆之聲送朝廷共理之
責乎汝等其詳思毋忽

勸農文

切惟民生之本在農農之本在田衣之本在蚕蚕之
本在桑耕犁把種之本在牛耘鋤收穫之本在人人

之本在勤勤之本在於盡地利人事之勤地利之盡一本於官吏之勸課夫田功既盡縱罹水旱尚有所得仰事俯畜迺克匡生播事不勤雖值豐穰終無所獲賦稅饑寒將何以濟由是而觀克勤者身之寶自惰者家之殃此勸課所云急也提刑按察司欽奉聖旨所至勸課農桑使職近緣巡歷考照簿書其耕播栽植之事勤惰勸率之方大抵虛文多失實効勸農之官長民之吏安得不任其責况今春首農事方作巡行勸勉適在茲時仰所在有司照依已降條畫徧歷鄉村奉宣

聖天子德意敦諭社長耆老人等隨事推行因利而利察其勤惰而懲勸之所有事條開列如後

一 如田多荒蕪者立限墾闢以廣種蒔其有年深墾薄者教之上糞使土肉肥厚以助生氣自然根本壯實雖遇水旱終有收成若無閑田此最良法

一 穀麥美種者不成熟不如稊稗切須勤鋤功到去草培根豈不聞鋤頭有兩可耐旱乾結穗既繁米粒又復精壯此必然理也

一 一麥可敵三秋尤當致力以盡地宜如夏翻之田勝於秋耕概擢之方數多為上既是土壤深熟自然苗實結秀比之功少者收穫自信

一 所在水利常令修葺毋得因循廢棄倘遇旱乾獨沾豐潤是地利徧惠一方人力可不加謹又兼此係朝廷最重之事切當用意仰體

至懷

一桑麻之務衣服所資切須多方栽種趁時科媾然
氣脉全盛葉厚指長飼蚕績縷皆得其用又栽桑之
法務要坑坎深闊蓋桑根柔弱不能入堅又不宜拳
曲難舒根既易行三年之後即可採摘
一蚕利家博養育寔難如浴連生蟻初飼成眠以至
上簇必須遵依蚕書一切如法可收倍利嘗聞山東
農家因之致富者皆自絲蚕旬月之勞可不勉勵
一耕犁之功全籍牛畜須管多存芻豆牧飼得所不
致羸弱以盡耕作其或引重服勞賦有餘力若有羸
老不堪者切須戒殺心擅行屠宰
一雞豚鵝鴨之屬菜果瓠芋之類皆可養人務

畜廣種用之接聞木為無補故古人有言菜不熟曰
饑豈為細事

一時至物成罷亞攏畝更加併力收斂以防風雨損
壞有失歲計不惟盡廢前功一飯到口自行暴弃良
為可惜

一古人蓄積實為急務故國無九年之蓄國非其國
也如平陽太原兩路例有蓄積往往山下饑荒鮮聞
山上失所近日官設義倉正為此也蓄積之事其可
後哉

一織維紡績責在女工可諭家長戒其慵惰嚴立程
限造成端疋以備粧着蓋非鳥獸必須溫暖可禦冬
寒若無衣褐何以終歲

一或有頑不率教情農自安背本趨末敗壞淳風朋
游群飲稱曰事情釀酒屠牲指為口願田務方集航
樂城市其或別生事端遺值官司父兄親戚理須營
救豈止破壞家產田產轉成荒廢此等切當禁治毋
得輕犯

一有孝悌力田為衆表率汝等舉明到官優加寬卹
如有浮泛雜役可除者即為蠲免以勸餘人
據已上事條仰社長耆老人等各於當社時時開陳
隨事推行因利而利察其勤惰而勸懲之不致因循
者且疑文具而已廢可以仰副
朝廷愛養元元務農重穀之本意也除已暗行体察
不如教者須議省諭各令通知

勸農詩

總勸

分司勸課不辭頻汝但聞言日克勤倘使有名無實
效到頭俱是具虛文

糞田

年深時種薄田疇糞壤頻加自昔留田果糞餘根本
壯縱遭水旱亦豐收

種桑

年年勸汝盛栽桑相度田園土脉良屬汝一根如法
種明年要見百根長

勤鋤

鋤頭有兩潤非常此是田家耐旱方果使鋤跑功績

到結多得米更精良

水利

細思水利最無窮普例灾傷獨歉豐倘有可與須舉似已成毋得廢前功

女工

田家門內事紛拏家緊蚕繅与績麻主戒婢奴姑勸婦起時作活可成家

訟田

近年田產貴於金明見無憑恃力爭縱使一時官借向就中不直有神明

結親

成婚作贅結歡情往往年深致怨爭省訟有方渠記

取始須書契兩分明

讀書

孝慈和順革囂愚說似兇孫自讀書縱不盡為官宥去省心解事亦良圖

省訟

典田賣舍屬曹司何似無爭省狀詞唆汝致爭亢是賊勸令和忍是良師

畏法

禁網寬疎固不苛慎毋輕犯被拘羅更思有理無錢語試估家資有幾何

屠宰

上司禁汝莫屠牛間有人來告事由豈止到官刑罪

慘怨讎相結幾時休

闢歐

農家蚕務而耕田除却耕蚕半是閑利害不多休致
闢壞錢當罪片時間

教唆

教唆冤報似循環比及兒孫已被憖若欲人生求利
達正須良善養心田

盜賊

一毫非有莫萌心竊物穿窬罪不輕重是杖徒微刺
記枉因織芥壞平生

飲博

常思群飲與難錢此事尤須預禁闌酌至輕生輸至

盡恁時雖悔恐應難

安分

貧須藉富富恰貧安分懲貪德自新積取饌糧防儉
歲慎無相率去祈神

天報

四民唯汝家純風天憫辛勤報已豐試看仕途青紫
客大官多半是莊農


終勸

分司勸汝事多忱今歲詩篇意更深切把此詩長記
誦來年比勸預關心

又

文告裁成二十詩篇篇皆出老農辭汝婦相勸行毋

急便是分司樂不贊



祭文

先祖妣韓氏祭文

中統元年庚辰秋九月丙寅朔十有一日丙子男孫
 某等謹以清酌庶羞遣奠于
 祖妣韓氏之靈
 氏先昌黎之裔枝分派析散處於衛衣冠煌煌文經
 武緯越宋有光司空之貴輝觀其譜本支十世尚嗟
 祖妣實出其系薰沐膏腴生大盛立德婉柔嘉主夫
 中饋貞祐初元金兵四潰萬室一存危若旒綴時維
 祖妣歸于王氏內助我祖畢力家事遂濟坤柔外扶
 貞義我堂復構我祀復繼內治雖嚴舒而脫脫我祖
 先歸我考時稔勤舌流寓栢舟自誓鞠養提携遂成
 偉器名甲京師一日騰沸抱飴諸孫免夫火水至克

負薪其恩非細欲報之德昊天罔既八十之春不早
立碩不孝榮養殊替有街不祛涕泗面被庚申之秋
應辟東魯力辟 暮官唯曹是主慮其不淑庶獲奔
赴罔遂所求心不遑處后土皇天實聞斯語旬日之
間事易其故天誘愚衷駕言西騫拜省庭闈病為少
愈九月初吉星河尚曙有物告終聲裂軒戶奄奄在
床彌留不去日薄西山矯首云暮風樹之悲有淚如
注盤盤新阡實惟高原安之安之一遵訓言傳家之
範敬奉周旋左配我祖何千萬年嗚呼尚享

廣平郡夫人完顏氏祭文 徒單學士母

懿懿夫人金源之裔分派天潢坤柔所萃式承陰教
婉其令容作配德門被之僮僮蘋蘩主饋化成肅雍

血母之訓伯姬之恭是嬪是則以號以封立人之道
莫嗣續天子挺儒宗種德孔邁令伯陳情不仕而忍菽
水盡歡心乎日愛素髮垂領班衣在身問安眎膳眷
然晨昏野服蕭然林下之秀蘭玉盈庭歲時上壽日
薄而山其明則東曾是徹恙而不及躬起居燕樂曳
曳融融彼高明家具慶則那若母若子為壽如何親
不知憂孝養終天享此全福幾人則然懿懿夫人足
慰下泉膺膺周原瞻氣葱曠居河之濱有儼新宮楹
榭無憾哀以送終懿懿夫人為婦盡道為母有儀彤
管有煒千古是徽尚饗

祭王參議文

維中統元年十月甲寅朔二十一日甲戌王惲謹以

清酌之奠致祭于恭議先生之靈藹藹王公維德之
宗教子以義從師于共走也何幸而與點同氣質一
變舞雩之風文士輩出繫先生之功公來典衛粵惟
八年吳滯補弊政有後先激濁揚清巨細不捐樂育
之心有加于前士感公知所立卓然碩惟不肖獨有
二天每侍几杖接以溫言意向所在多文字間一意
作成汝其勉旃家貧親老擇我祿仕床下之拜言猶
在耳蜀山蒼蒼公簪西指董菴之別誠發於衷臨岐
眷眷告以終始躡躑沉鱗有俟乎此孰為歸來便購
生死痛彼知已世罕所遇我思古人涕零如雨荷牧
先生伊時之麟文彩風流與道日新既惠我輩亦及
我之後人所謂故國非有喬木之謂而有世臣我哉

豐碑表公之墳公雖云亡其德在民太行盤盤淇流
湯湯求懷先生何日而忘

祭王府君夫人陳氏文

大元國至元十二年歲次乙亥二月壬寅朔越日承
直郎平陽路提管府判官王惲謹以香酌之奠致祭
于宣慰副使王君太夫人陳氏之靈伏以詩稱有基
婦道乃隆易讚坤儀微柔所鍾維夫人之淑兼著一
躬母儀女範嫺于六宗內助既裕化成肅雍彤管有
煒周南之風嶷嶷賢祠總角從容以契以分昆仲猶
同二十年間獲侍左右歲時拜慶稱觴上壽頌畜殊
常如卯斯愛我草惟緘兄蔚蘭樹突而弁兮載同庠
序浹洽薰陶亦叨時譽調官南端四月惟夏升拜北

堂德容甚暇親哺之食手飲以筭駕言行辭拜沫下
中心惻然誨言麗麗日薄西山衆鷄飛翻云別幾何
遽棄榮養聞訃驚怛怒焉如喪英英白雲太行之上
有淚盈睫悵然東望嗚呼適去則順其生也榮較丘
山與華屋終哀樂而殊情懿誌夫人壽踰八旬柎安
玄堂慶流後昆是足以慰下泉而釋悽愴於蒿焄也
悼以官守有限固獲駿奔既不及撫棺而與謚繫昔
賢子擬倫以陶侃之忠順知湛君之聖善以不疑之
平反審母氏之慈仁援例私議寓哀於文庶幾薦徽
誠而告精魂也尚饗

禱雨蒼谷神祠文

去冬今春一啟旱斯普比聞三方既禱而雨維此衛邦

和氣艱阻草木焦卷種不入土致此於殃誠守吏不
德之故也吏不稱職罰及一躬我民何為惟此旱凶
嗟嗟四民哀苦我農止食其力歲期一豐旱苟成灾
散而西東恭惟明靈蒼水之龍哀閔慈惠正直明聰
司我兩部山靈是宗頌枝淵池雲雷之宮民以病告
禱輒感通忍以吏不稱職卒莫救其隆蟲哉願翹眷
渥我邛鄙乃以有秋祀事孔終

祭王叅議文代史運使作

惟公奮迹渤海應期挺生城畫長材廓時之清佐我
父相幾三十年子惠兵民以謀以旋長淮百戰松漠
逾邁死生以之而有公在矯矯大節老而弥堅襟融
宇粹秉心塞淵中牟之仁平陽之賢哀哀衛民賴公

以痊撫撫周原熙然樂土公難云亡其政則舉走自
恒陽來寓南鄘瞻邦遺像齊之蓋公歌詩知政決決
大風民懷遺愛甘棠是比士而感德曠乎百世矧伊
嗣侯義同昆季嗚呼哀哉吊固及哀生不獲事遐想
音容河岳流峙野日荒荒群飛槍揚公不少留使我
涕滂跼而陳辭奠此一觴尚饗

春旱禱諸廟文

旱自去秋極於今春條條衛土如暎如焚夏麥已槁
揭我民秋種不入饑蹙若臻旦夕惶懼不知所云恭惟
明德守臣所欽民以病困神心孔仁用是齋沐以祈
以禳庶垂哀眷昭鑒微誠風伯回馭山川出雲一變
盤氣化而甘露秩我東作庶幾西成載謁祠下

鴻靈尚享

七夕祭竈文 至元乙亥平陽府作

三代之制五祀孔修群姓時享或春而秋欽惟竈靈
並與而幽朝烹久飪一家所由水火相德乃神之休
敢致薄奠于陘之周有肉如玉有酒斯柔味登于祖
香列于貞匪物將致匪媚是求又矣斯禱庶荅神休
尚享

七夕祀竈漢俗也世久不用獨吾家行之多歷年所
且前人致恭或誠得此非予之心也蓋庖漏飲食所
出五祀神為最尊薄管已來餉口四方是神即予主
予乃神之客也匪朝伊夕不無溷穀膠撓之瀆惟神
念客之故庶有以安之用伸告謝以荅神休尚享

謝龍神文

維至正四年歲次下亞夏六月丁巳朔廿日丙子翰林修撰郡人王惲謹以香酒之奠敬祭于縣西平成御龍公之神矯矯神龍柄雨之機亢陽為災非兩則饑土而力農乃分所宜惟百創理一早則墮需澤在天屢及我私疇敢不祗若神之威德也尚饗

秋澗先生大全文集卷第六十二

秋澗先生大全文集卷之六十三

祭文

告家廟文

維至元四年歲次丁卯六月丁巳朔廿三日己卯孝曾孫王惲等謹以香酒時果之奠敢昭告于曾祖考府君 曾祖妣臨清呂氏 顯祖考修武府君 顯祖妣孟氏 韓氏 皇顯考忠顯府君 皇顯妣夫入靳氏之靈先以丙寅歲十有二月為子孺聘婦得宣差石君之第三女茲者往之女家躬展禮幣今龜告吉日維斯時廟授有儀式伸虔告尚享

祭元神祝文

歲次丙辰九月戊戌廿九日丙辰臣某等謹以清酌

庶羞之奠敢告于歲德之君惟神一歲之君百臣是
統端臨異位獨秉威權悔吝灾祥維神是与臣某父
某年踰知念心切齊家動靜之間既乖攝養公私之
際尤重愆違而又庭戶積殃子孫不孝於七月廿七
日遽嬰未疾將抵時冬困致沉綿力疲舉履日因元
命躬薦愚衷幸冀神明蚤降和豫尚享

告家庶文

維至元四年八月丙辰十七日壬申孝子憚忱等謹
以清酌百羞之奠敢昭告于 皇顯考忠顯府君
顯妣縣君靳氏之靈嗚呼哀哉維丁巳歲八月至
今年丁卯秋仲府君捐館十週星矣寔至元四年秋
八月丙辰朔十有八日癸酉也十者數之盈天道

之小變也祭法以春秋享奠蓋因其氣之終始而致
思焉矧履霜露瞻拱木歲月近紀親日愈遠得不極
其志而重其感傷乎今之所謂道供豈古致齋鄉親
之意歟茲者爰即正寢敬演靈章庶仗真筮以證妙
果神維格思式伸虔告尚饗

至聖文宣王奉安祝文

於赫元聖萬世作準曰義曰仁風化之本願瞻清廟
曠茲有年咎將孰執迺吏之愆爰自下車心弗違安
靡朝匪夕載經載營誕弥八月厥功告成奕奕新廟
桓桓王楹峻以文階重以神幄有翼有嚴乃冊乃瓊
爰君爰處以清以寧神格其思享茲菲誠爰暨厥民
日烏啓迪仰止瞻依聿脩厥德庶幾報本以謝不駭

尚享

究國公奉安文

伏以庶工告成新廟孔碩於穆素王之亞聿陪元聖之君仰底攸寧永欽厥祀尚享

鄒國公奉安文

伏以有嚴闕宮載新祀典仍增光於肖像永配享於神庭於穆維清尚安且妥尚享

辛墓祭文

維大元國至元九年歲次壬申四月乙未朔十七日辛亥男孫憚謹以清酌之奠敢昭告于曾祖王父顯考王府君之靈憚自至元五年冬十月被召赴臺九年春用前資翰林修撰由監察御史改授承直

郎平陽路總管府判官已擇此月十九日赴任所今當遠離墓次伏冀明靈特垂陰佑尚享

祭孚惠神祠文

六月十四日祈雨至十八日申刻大雨至十九日黎明方止

惟神淵懿徽柔德妃乾方甯沛其泉寔為淵浸屋而祀之禮固宜矣茲者時雨愆常蒲絳兩州旱暵頗甚吏寔不職民將何尤夏麥勒而半成槁稼噓而可燎衆仰一溝之水恃為卒歲之安然得之有限漑之不濟與其施及乎有數之田何若膏潤夫一境之內惠卹哀憫繫神能然伏望起伏龍鞭電轂神泓為之變動川雲隨而翁從細捷天瓢溥霑穰畝使槁者勃興而如握熱者得濯而輒醒雲漢昭回一滌蘊隆之氣既寰滿載卒成大有之年神能鑒茲敢忘昭報尚饗

祭斛律丞相文

大元國至元九年歲次壬申六月丁亥朔初八日甲午承直郎平陽路總管府判官及郡王惲謹以清酌庶羞之奠致祭于 有齊忠臣大丞相咸陽王斛律公之神伏念惲以監察御史叨承郡幕視事之初來讞茲獄求情罔獲非神疇依惟神心秉塞淵氣餘忠謹始焉義合於神武終以威馳於栢壁生為良弼歿為明神對越英靈凜然如在以德以功宜永嚴祀惲授館絳園迫近神無號呶扑擊不無震驚然兇悍禍賊寔神所懲尚矜不逮俾集厥事式神明薦以克采饗

康澤王廟謝雨文

惲訊獄絳陽回經大平百里之間秋禾如槁物之生

植時方尚養民之告病不為不勤俾驕陽亢甚耕隴塵翻誠守吏不戢之所致也近虽致禱於鼓埴行復展誠於祠下及次襄陵油雲四興甘澤霑作郊野灑然溥獲沾足且神化無方龍德為大山澤一氣初無間然虽愚衷適與之會寔神碩卹而惠之也用薦明禋以答靈貺尚享

拜奠夷齊墓文

維大元國至元九紀歲亥默泥灘冬十二月既望承直郎平陽路總管府判官王某恭以牢醴之奠致祭于孤竹二賢之墓嗚呼天下有當然難合之事惟特立者能成之天下有至中大正之道惟齊聖者能明之三代而下建天地之極破君臣之義揭若日月亘

萬古而不息者其惟二賢而已壬申之冬其以守吏
按事蒲坂仰止高山其立卓爾所謂凜凜之風者
貪天廉懦夫有立志也趨拜几象山烟四起奠以牲
醪若恐將澆有蔽在山有粒在簋勸系以馨誠薦我明
水尚享

祭黃崖山神文

節彼南山奠安一方爰產奇石紫質青音主宮繕興
爾馬來營伐而材之不無震驚用是昭告惟神降寧
庶憑默佑迄用有成尚享

謂西岳廟文

維神德媿坤維氣涵崑潤際四海洪荒之內位寔雄
尊在提封密近之間禮當趨謁仰止三峰之峻來伸

一禱之誠僥倖之求斷不敢萌憂恋之心庶幾昭鑒
爰生申甫來佐明時冒瀆顛靈豈勝悚惕尚享

安二賢神文

其以壬申之冬來拜祠墓悼其傾圮几像暴露載經
載營今也告成瞻彼雷首肅焉神庭繫二賢之德聖
之清兮以孔聖之哲極所稱兮揭若日月何廟兒之
尚兮封而匪屋來者何瞻仰兮蒼煙蒼木何山爛其光
兮盤非周粒桂酒苾其香兮神其格思歲永此而享
兮

肇祭霍岳文

大元國至元十三年歲次癸酉六月壬午朔三十有
六相承直郎平陽路總管府判官王某謹以牢醴之

真致祭于霍岳中鎮應靈王之神維神峻秀靈異鬱
為鎮山冀州之野嶽麓所盤致興雲雨祀典載新報
本信敬茲焉其反頭維守吏歲奉嚴裡邊豆孔修敢
告駿奔乃祝之曰 高且麻麥兮下且捺蛟蛇結盤
兮物不竊王事庶集兮神所與

康澤王廟祈雪文

大元國至元十年十月己酉朔承直郎平陽路總
管府判官王憚謹以清酌之奠敢致禱于 康澤王
之神伏念一冬三白歲事之常今者云暮未覩其祥
寒律徒切風埃瀕洞宿麥猶含餘凍載憂載忡
春疫為重彤雲油油既合而收和氣致盤政或未修
吏寔不戢民將何尤惟神降鑒一雪孔周災沴不作

惠我來牟吾儕小人敢後神休尚享

祭靖應真人姜公文

大元國至元十一年歲在甲戌二月戊申朔十有二
日己未承直郎平陽路總管府判官王某謹以茗果
之奠設祭于靖應真人姜公之靈某以中統元載列
職省郎得掌綸命

帝遣使臣奉宣 詔旨起公於晉有遐想仙標載勤
駟乘之語春春之意何其隆信者哉逮明年春獲採
下風寶玄之官野服黃冠道淳德冲曾無一言及乎
本宗其揄揚稱頌若恐險越者堯舜禹湯文武之道
之功建祠奉祀竭夫一躬退而論思豈墨名而斷儒
同者耶及官平陽載覩儀容振袂談舊一佈平生之

胃愈知靖專之性精誠之德足以動三河而沃淵衷也云何一別上仙三峯杳黃鵠其何邁將神游乎太空天藐雲高涕泗無從過故都而眷恋庶斯文之可通尚享

六次孟津祭靈源王文

維十有一年甲戌夏五月丙子朔越七日壬午承直即平陽路總管府判官王某敢昭告于靈源王殿下我國家將有事於南服桓桓兵甲例作于晉顧予小子寔總其一焉今茲南邁前次河壩尚克顯相其安以濟豈惟可免薄責誠以感靈陰陽以先啓行之力也尚享

祭平陽府東城門文

惟神職司啓閉氣積陰疑今者淫雨為崇已及浹旬害被衆盛動妨民作伏望道迪陽和速成開霽尚享

祭宰陶文

惓以到官四日奉憲部符鞠絳陽獄大小之愆心敢不盡恍惚曖昧有不可致詰者使讞議適當生死兩明愚衷不逮神惟能誘之寃滯沉痛播楚之下求而不獲者神惟能伸之伏惟明靈尚克顯相

中元節祭三代告生孫彦郎文

伏為男公孺新婦石氏於今月十有二日辛巳生子名曰沙郎蓋人倫之事繼續為大因時以享式伸虔告庶憑神佑其安且宜尚享

立社稷祭告文

維神五土之祇百谷之本血食于社萬世依準禮墜而興張本自茲牲醪香脂鼓鍾清夷迄用康年神其饒而

維神百穀是長萬民之天配食于社古莫能遷名存實亡乃吏之愆張本于茲神其鑒焉有酒斯旨有牲肥鮮維神格思歲其有年

范陽房族祖九翁祭文

維至元十三年歲次丙子冬十月壬戌朔十有八日己卯房孫謹以清酌少牢之奠百拜致祭于

故軍資府君族祖九翁之靈嗚呼哀哉十二年春予守官平陽祖母慕容氏書來以公訃告國有常制莫敢擅離然聞母弟忱自疾函於樹納壙皆與及喪次雖不

獲戴星奔赴中為少遑也越翼日即縞素為位於府北郊之僧舍發哀以祭婦推氏子公孺新婦石氏在焉感不視事者五日迨今年春三月秩滿東還將為指日即路得哭墓而唁親老也復為中書檄去考試河南四道滿三月而歸日月逾邁霜露之感積諸中而至于攸父也如是曠慢不恭之責將何所逭今茲之來駿奔露處不遑安者凡十有四日含凄茹辛實以祭告為事伏惟神靈鑒茲哀悃嗚呼哀哉尚饗

祭中書左丞公文

聖維天開宥綏允有必誕賢輔以左以右手幹機衡殆天旋斗伊公挺生奮迹營柳長白之英遼江之劉元氣網緼鍾此秀脫落俗學沉浸道固如情孔思

伊瀾洛菽一物致知千古尚友起而翼漢雲雷交遘
啓沃淵衷達聰纒鞋至元之初公綰機緝謀謨廟堂
股肱元首取分六卿綱維結糾帝載用熙豐而不節
大明黜陟罷侯置守萬鈞機張賴公克聲霖雨一濡
載清宇宙我武維揚荆襄持久大闢屯田櫛比糧糗
公善開物務深耕釋幽風良耜十千為耦繼倡農司
萬邦是揉明彼王道始未南畝護軍來歸雪髯垂脰
長江失險萬介北趣特置館筵體貌耆耆眷我儒臣
甘盤之舊天理人私自公判剖國勢民機倚公安否
有辯懸河而惡利口四海具瞻漢更商叟龍光稠疊
王杖相自望公百年以佐元后胡不慙遺梁木壞朽
彼蒼德莫之能究嗚呼公之為學知所先後味道

飯經大羹玄酒平生游藝組綉雕鏤公視餘事為世
瓊玖公之逢辰道合非偶來儀舜庭台鼎鳳雛揚歷
中外足展抱負八十之春已極眉壽考終牖下載啓
其手有子承家公復何夜嗟吾道之如縷念後學之
孤陋與斯民之不幸孰思濟而云救暉自束髮辱知
京厚拔擢提撕兩端親叩至登瀛洲再承善誘弦晦
一週玉堂清昼今公云亡此會難又情悄悄以填膺
淚浪浪而霑袖今也送不遑執紼葬不得撫柩寓哀
斯文為一觴侑尚享

故尚書禮部郎中致仕下公祭文

嗚呼維至元十三年夏六月憚考試河南拜公床下
留語終日言不及私維是治之隆汙民之毀朶法具

未完涕下漣而至於廉於律已去而知止教子以義
方勅斷家事其在倫列如公一人而已此天下之公
論非予得而私議也區區之誠幸惟鑒茲尚享

故吏部尚書高公祭文

至元十五年閏十一月
十二日大雪中拜奠

惟中統壬戌之春憚以事累退耕于壟畝者再罹寒
暑既而擇御史開憲府人文之選公以予主不肖誤
蒙公知擢置言路三季裏行我時我願豈惟使之增
光迄薄用于今者寔之載舉及官平陽公判吏部
不以契闊怜我推魯每借譽於時人為聲勢之一助
是又見公終惠且勤不我遐遺之故也至於雄文大
筆忠規治具三峽秋濤危波砥柱茲公論之有在匪
鄙言之能喻念公平生靄靄德度霑賸馥於蘭臺悵

歲律之已暮敢以受知一已之私抒予哀而酌公之
墓也神惟有靈鑒茲誠素尚享

外祖安陽縣丞靳公祭文

十五年癸丑十月十五日

憚年垂髫省識公面着舞堂崑崙立而弁逮予成童受
訓母氏公之世家頗聞一二或官鄉縣或檀科場歷
年五百財雄一方至公而衰亦理之常厥後一紀公
歿于鄉惟嗣罔續我考輿傷春秋時思合食祖傍是
用傳訓子孫奉行公殯淺土幾世霜霜衾改卜未就
深藏煖毋雖在顧力弗違有劣其甥按部涇漳東望
堯城心馬靡寧迎置姨母如拜儀戒爰念葬事与之
經筵夏茲春首窆公于茔庶幾畢考妣之志慰安公之
神靈也尚期不昧俯鑒微誠尚享

左丞董公祭文

至元十六年歲次己卯九月乙巳朔越有三日丁巳
朝列大夫燕南河北道提刑按察副使汲郡王憚謹
以清醢嘉肴之奠致祭于故資德大夫中書左丞祭
書樞密院事贈金紫光祿大夫平章政事謚忠獻董
公之靈觀夫大燕南隣全趙北垠神尖鬱茂澤池濟
論蟾精萃秀篤生異人公應運挺出絕類離倫閱敦
詩禮感會風雲膺太祖之餘烈策冠鄧之高勳其志
慮良實又濟以武惠惻隱之仁謙而接物勇見於大
敵恭以持已孰知夫世臣至於肅齊家範友于弟見
忠結主知德庇生民功愈大而心轉小罷既厚而憂
益殷無私蓄為子孫之計不樹黨收門牆之恩其公

亮謹厚又似夫董侍中與万石君也幾世幾年孕此
忠純方沐恩於鳳沼俄星隕於中軍痛丹青之宛轉
追畫像於麒麟此非一己之私議在中外哀悼所不
忍聞也憚爰自布衣仰公清塵接樽酒於中統之首
與賓筵於至元之春每燕語之銜銜頭若揚顯之可
寘矧二弟之欵曲辱交久而情親雖草宿而罔哭聊
寓哀於斯文伸孺子之薄奠庶劬繫於徐公之墳也
尚享

遷奉曾外祖殿試新公祭文并外妣李氏

惟公才德兼備元精孕和早擅場屋三中巍科人文
之譽在公寔多正大初元公卒宜津權厝新瀧幾七
十春殯而未葬譬彼行人歸不及家曷寧其身茲者

日吉時良奉安祖傍祔以元配永閉深藏魂而有靈
以賁幽光尚享

遷奉安縣丞外祖并外媪王氏祭文

憚以前歲後十一月廿三日為遷奉之事已告尊靈
今者應期舉厝永慰幽榮以順從祖以安則鄉祔我
外姓闕此玄堂歎雖衰宗在公未傷有甥姪以主祀
重時思而不忘是則不必其子而光揚也有牲斯辨
有酒斯香神惟昭鑒歆此一觴尚饗毅辨公伯况

秋澗先生大全文集卷第六十三

秋澗先生大全文集卷第六十四

祭文

祭蒲大夫文

大元國至元十八年歲次辛巳三月丁酉朔十有九
日卯朝列大夫燕南河北道提刑按察副使謹遣從事
賈嶽以清酌庶羞之奠致祭于河內公之神惟公德
挺群拈獄清片辭列高弟子聖門揚仁風於蒲邑三
善之美庸能既耶適星垣有分按之行過神宇致一
杯之奠庶祈靈貺以益不能尚饗

祭孝感聖姑文

惟神肇迹傳靈遇仙渦浦懿昭靈作蚕聖母干祀
永賴神功斯溥食弗再則飢衣弗製則窶念此歲事

惟神其惠顧之尚享

故江漢大都督河間路總管兼府尹史公

祭文

幽雪萃氣招搖耀芒合是二者篤生忠良惟公應運
挺出起家朔方奮父兄之餘烈荷天衢而鷹揚武濟
文經為昔棟梁宿一軍於陽夏另東南之精強枳棘
非所移旌鎮穰撫我瘡痍靖我邊疆其惠春雨其威秋
霜殺我殘棄變而金湯復我陂障積而陵岡孰慮鱗
介易我衣裳彼氣日索我師堂堂果上鈞之一戰掃
敗葉於秋商每出奇而制勝初不知姑所長殆羊傳
之久駐控上流於荆襄雖飛渡之無及吳之所以亡
者本由此而用張能回百戰之餘勇効攻蹟之章章

鬱公堂之佳樹至今三鎮指為公之甘棠然干將而補
履終所用而失常加憂深而思遠此夙夜之所以遑
遑也竟風悲於大樹奄能斂於幽藏嗚呼才有餘而用
不悉位雖高而志靡償曾桃李不言而天下為之傷
也公常幕余二年倘佯侵勝言笑執手飲觴略吏事
而不責謂國士之或當茲奉恩綸按部潯陽望龍驤
之莖域能我涕之弗滂馮平生於此辭庸表公之衷腸
意慟臨江之哭在公則萬事已矣有子孝繼以後則
其疏未與神之聽之庶少慰其所望也尚享

祭郝奉使墓文

大元國至元十七年歲在庚辰二月十有二日甲申
朝列大夫燕南河北道提刑按察使友生王惲墓以

清酌之奠致祭于故翰林學士國信大使陵川郝公之墓嗚呼甲寅之冬仲月之尾公自杞來道鄆卽始覲清揚重於夙契把酒論交笑談游藝頤暎回翔吾子可誨臨別之語一何勉慰維中元春雲龍交際我時游梁與公再會東館相過四并同醉所學所行盡發其秘比次龍崗嘔血而瘍書來及予愈見友義我車北轅公已南逝自茲及薨凡十六歲追憶平生潛爲出涕公之問學閱肆注濺公之文章豹炳虜蔚万斛淵泉出不擇地太史與倫皇墳可媿浩浩江漢万古不廢發為忠貞見諸行事著書垂聲諒非本意匪予得私乃世公議今我想公令人短氣斯文綫如忍復殄瘁直筆疇婦大冊孰畀偉蹟鴻休光潛揚厲而

最傷公為國出使初館儀真主成和計奉持

國書以死自誓万介外侮群狃內狝節落瘴壑精誠益勵厲國平原同歸一致長星墜芒使軫還轡玉上青蠅何啻一二惟

皇聖明見萬里外錄勞奔瑕予豈汝罪士無賢否入朝見忌膚慙再行與病交劇一憤不起萬事瓦弁感時懷人憂來附辭昔賢有言常論我輩大槩無差節目或滯如公之才如公之志雲寧九吞曾弗芥蒂俯掇勲名高視一世意廣思長反為物制豈惟公傷因以自識茫茫太鈞形流萬彙幾世幾年生此偉器贊用德宗誼逢漢帝百未一施胡奪之易難水淪光卽山斂翠隱然一丘保之西遂車過腹痛我懷曷旣黃

鳥聲悲助我歔歔臨風拜公哭而載酌嗚呼哀哉孤
忠伊鬱幽憂憔悴生罔能伸死而永閔寓哀斯文庶
昭枉昧公如有靈恐予言為知已也尚饗

祭武強南龍池神文

維神威洞淵府奮飛天衢致雨興雲執帝之樞顧此
異野時極焦槁桑半捲而虫作崇穀出壟而氣未蘇
農官至無可而勸窮民將失所匪惟吏責恐亦神
之所當虞也况蒼精昏見適時之望靈池而致禱
庶少全其區區嗚呼帝而下君也我當
供厥取耳免吏責而歲有成則其敢後諸

尚享

北嶽

奠之為分方數千里惟嶽峻極于天神奠安之水旱
疾癘神主宰之今者地不藏陽寒氣失序歲律向終
未霑冬澤俾野土不高宿麥無望春疫將興已足深
慮饑饉荐至民何以生祈穀請命憂人之憂是亦部
刺史之責也悽悽微誠敢用昭告尚享

祭侍講學士寶公文

惟公性極純誠道深養浩幼學壯行出人意表於周
吉士在漢有道以術濟人方德則小丁巳春識公於
沙麓之墟辛巳夏吊公於肥縣之保憶忝列於瀛洲
閱歲華者再抄世知公漢家之羽翼我以為中朝之
元老謀方膺於聖咨憂遽遺於丘禱今也云亡士林
倅搞据慙遺而論斯民有無祿之歎以順受而言得

五福終命之考再拜墳阿奠酌草草願藥籠之織微
蓋以答平日之不我少也尚享

丞相史公明忌日祭文

十六年十二月十九日按部出山

維公出入將相存歿哀榮公自去世于今幾齡定人
思公雖歿猶生永言不忘曰忠口貞見之範圍履也
大成勛藏盟府德為世程赫赫堂堂如山不傾定人
那知功被齊民憚向侍燕几警咳親承今遇明忌來
拜神庭感念在昔依依我情有樂陳列有酬在盟碧
映堦酌茲一觥尚享定人像公於西北隅皆享祀謂忠孝會

史公祭文

惟公德冠群后望隆漢儀一節四朝知無不為收武
定文綏之畧有金声玉振之規發至仁於易簣識大

運之盈虧何已私之曾及顯戒殺而為嬉雖羊祐知吳
亡而勸進房喬以征遼而未宜固足與之等夷也嗚
呼柱石巍巍歛然中微風雨震凌忤懽者誰俾為善
者嗒然而若喪變怪者百出而不疑此又世之歎歎
而含愴也公殿是邦尤極恩威義豈碑於國門宜鎮
人之涕淚切嘗荷公在提右携豈孺子之可教在如
而翼之之恩大有濟於艱危及聞公薨身繫情馳曠一
奠而如負蓋五年于茲也今我何幸改昇燕陲歷河
山之故封悵音容之依稀念公平生其能已而公雖
云亡為世著龜公棄在天尚克念之蓋生而矜其愚
既有以省錄豈歿而知其來復無所維持也追盛德而
曷報庶不辱我公之所尚饗

岱岳祠禱雨文

崑崙岱宗雷雨宅兮良震對代生物仁兮片雲膚合
天下澤兮茲者春霜例失桑柘半兮二麥含實勤將
槁兮秋雖下種不出土兮無褐無糗歲向卒兮衣被
饜飫雷合力兮仰惟岳神其念茲兮憂之憂而亦部
刺史公之責兮懷懷微誠神其鑒兮尚享

黃石公祠乞靈文

惟公鍾秀崇丘降神圯上靈氣驚世倘悅莫詰如子
房以韓亡之餘開炎漠之業為帝師之崇其顯授陰
翼竟濟世美者先生之神之功也不肖猥叨時名艾
服官事余廿年每以昧於事機動成乖戾為愧然非
其材而樂之者有賢父兄故也矧先生眠靈乎至若

矜其愚昧濯其固陋增益其所不能非先生其誰用
是乞靈祠下區區之懷神其鑒茲尚享

修治新阡告成文

餽口四方幾二十載歲時拜掃禮有不逮水泛雷轟
未免惶駭於其事

亡不孝之大即此良月躬為修治芟蕪剪棘增高夷
地補植林空再釐風水郭以周垣隆阿四起樹門神
游題阡表氏捐虔妥靈非直觀美功今有儻以告以
祀神之聽之以克永世尚享

韓君大祥祭文

嗚呼王宗韓氏通冢往來三十年間情好孔懷矧惟
亡友吾門上第貞幹風生發強剛毅其在諸生

先子所器年近而立揚歷中外臺掾郎曹名聲熾熾
前歲之秋告別何遽曾未越境夢隨川逝日月云邁
奄復祥祭論其受年校夫稟氣走而益強期頤可致
衆維顛傷去之太蚤古云五十不為之大宛彼二雛
卓有所樹翱翔仕途俛持門戶依依孝思以求終譽
君如有靈亦足以慰夫懷之素也尚享

為姓氏告立妻文

維丁亥歲六月十八日丁丑夫憚謹以茶果之奠告
于夫人之靈推之為姓世不多有故嘗詢其所從出
為汝討論者有年一無所見適讀晉天氏姓論推氏
建氏南氏舒堅氏魯陽氏黑肱氏皆出楚之芊姓者先
君熊繹氏之胤其來光且遠矣嗚呼夫人歿而有靈

必將歆慰其光且遠者用是不敢不告尚享

中丞王公祭文

大元國至元二十六年歲在己丑二月辛亥朔越八
日戊午友生王憚謹以清酌之奠昭告于正議大夫
中丞王兄之靈嗚呼朋友之重義列天倫切切惻惻
疇非弟昆惟君頌我而我宗君以志則一以分則親
如漆斯固如蘭斯馨而敬而愛久而益新爰自垂髫
以及於冠授業蘇門各伸志願智愚雖殊道則一貫
君秉淵塞浩無涯岸脫畧詳華好謀能斷嘗論士心
酬酢萬變如匪中立鮮不焚乱此予少君餘何足算
我時念君大器已見敦我鄙薄激我愚懦治仕將歸
而予獨眷繼分使符有最無殿在昔相度有若昌黎

辟佐戎幕大為已知及論國計莫之與規裴非少韓
 有崖其間隱忍就事材為實難穆穆忠式曰伊曰呂
 桃李盈門彘士如兩同升諸公曰僕是與初拜中舍
 謂輕所處長居六曹是為之所自後騰揚又知所主
 曰史曰張曰姚曰許交口薦瑜璫蟠鳳翥望君廟堂
 致主堯禹其經綸國業固足以見君之器宇彼或無知
 奚我齟齬淮海歸來道在心小角中私第日事墳討
 周防有餘虵虺結織詭火燒城甚於原燎伊鬱積中
 不無熱惱嘗切諗予憂世心悄觀閔何多受侮不少
 每見慰寬外物一掃攬量冲融致養強矯死非所憚
 此何足擾如金在鎔百鍊不撓白首窮塗是枯槁
 留使咨謀為世儀表此天下之公論非一己之私禱

云何不淑不慙遺此一去吾乃知蒼蒼報施於焉有
 未曉者念君問學天人理皦臨終永訣投我腹藁語
 何琅琅秋空日杲淚洒行間茂陵遺草哀哀二子越
 玉陳寶賢而有文適追來孝所存者長况不為大鍾
 鼎一事古人誰了嗚呼事至蓋棺夫復何尚精爽不
 昧而來者是保我巢兩楹腹痛如攪平生相期
 遠到苦樂行違知者惟配悠悠常情異心同貌差夫
 知音自深痛悼我過孰寡我履孰蹈有衝無聞徒碎
 而標淚下河傾寄茲一抱嗚呼哀哉尚享

路祭中丞王兄未訣文

維君羊度凝遠內明而外闕以予交游之久頗髣髴其
 一二其所以斯疾而至於斯者歸命之所致耶豈用

有餘而畱於行耶物或犯而隱不校耶欲求合而得
乖耶剪所愛而賤老懷耶不然而何氣運喪謝叢一躬
而菑耶方謗之興予適在燕嘗表裏乎西溪致一言
於諸公之間力雖微而莫辯庶幾友義盡予心之拳
拳用是生有以書慰之歿有以文誄之又罔以不敏
復銘而賁之辭固斐然思整單無愧而已今者執紼
徒送永隔泉路然古人神交罔間存歿臨岐贈言故
不憚其再瀆伏惟明靈鑒教微悃尚享

御史中丞王公諡文

大元至元廿五年歲在戊子秋八月十有一日前禮
部尚書御史中丞東魯王公薨於維陽之客舍友生
王惲謹遣子某致奠以不腆之文誄焉其辭曰

顯允王公天姿粹精文辭翰墨外彪中弼年甫弱冠
四擅華聲從元問學館申作甥二公提擢大瀆于成
繼以賓師主善共城始拜公面歡如平生忘年定交
實為畏兄青灯孔序絳帷趙廳尊酒文會桐陰蒲慶
既謁寡休偉其豪英力薦于上與之同升

帝曰汝冕秉心和平乃眷乃碩

詔扈南征潛鱗繼壑

天衢荷亨一命卿貳尋擢歷亭改漕京兆以廉見稱
擢之提憲以显以榮褰帷杖節激濁揚清移鎮三晉
八州救寧載臨恒衛兩河肅澄霜空千里一鷄獨橫
走忝貳車我冠振纓言議甚行王事每兢其臭斯蘭
其堅斯金兩秩五年愈親愈誠訂賊搃死王度載貞

整我六曹春官首激再執行憲居中作丞守以大體
與時浮沉西湖激碧吳岫空青公餘吟醉若慰羈情
用是北歸伊誰云憎徜徉淮海子潛疾嬰俟其少間
偕之北行豈其奄忽痛牽延陵剛弗愛克遂傷厥生
疇昔之夢飲于兕觥予欲從之扞格莫能今悟死別
神交匪冥今歲夏仲手書是承寄是新作託之稱停
豈意期月遽北凶也初接傳聞既疑且詢繼來訃告
大為震驚於戲已矣五兄歿而有灵鄙懷我聽以公
壽言六十六秩未嘗疾痛體胖心逸以公宦業通貴
之極三十年間略無空隙以公文章不事雕飾平易
溫雅簡而有式以公聞望揚休山立聲價一時
荆金趙璧以公衛嗣怡怡蛰蛰翠竹高梧鶯亭鶴植

所為福全百福無逆是用慰公能事可畢方之吾儕
又有大弗克及者乘彛豐厚度量寬宏愷悌樂易頽
大光明不以達貴我崇彼輕不以己長格物自矜心
無城府口絕否臧孰為機張以虞以防坦焉蕩蕩內
敬外方汪汪黃陂撓之不渾崑崙高山仰之彌尊天
下之人不間識否聞君之名僉曰良友是喜是愛稱
不容口我觀氣運有通有窒或負而乘君子宜息遺
逸阨窮固廷摧抑遽忍飄蕩忽還穹碧是用甄傷載
悲載泣維此善人天地之紀幾世幾年生此偉器一
朝云亡歎興殄瘁茫茫九原愛莫之起悠悠此懷曷
維其已上以愼斯民之無祿下以惜平生之知己嗚
呼宸哉尚享

推氏卒哭祭文

至元廿四年歲次丁亥二月壬辰朔十七日戊申中
議大夫王惲謹以玄酒庶羞之奠敢昭告于亡妻推
氏之靈嗚呼礼嚴卒哭氣逾一疇愴然興感悠悠我
思去日漸遠神而明之爰仰道官有求戚知哀薦成
事用光其儀君子與孫衰衣纍纍心為寸草恩則春
暉伸哀報德泣涕交頤而於自致其殆度幾惟靈降
鑒以慰永悲嗚呼哀哉尚享

祭三藏佛圖澄文

惟師薄游襄國寔開帝聰聞音知物變眩幽通非此
無以回猛鷲而神事功我師真筌不忌在空來拜
祠下辛歲初冬酌觴乞靈裴回呪龍廢一勺之達水

人之心胃也尚享

祭宋文貞公墓

至元十九年歲次壬午五月己未朔十一己巳謹以
清酌之奠致祭于唐太尉文貞宋公墓下嗚呼惟岳
降神生甫及申為周之楨如公之生於唐迺開元之
治具也昔玄宗能遠而不忘一旦召而相之何其明
邪又惑伶人一譖公終老于家何其昧哉豈天室之
亂於後有不容置大器於久安故於戲往者何咎國
家方以親賢為急天或寵綬四方若公者復克降靈
作甫尚申免夫望壙思賢之歎此君子所以再瞻隧
動曠世相感之意也區區之誠惟神其鑒之尚享

授少中大夫福建閩海道提刑按察使告

祖宗文已丑秋八月三日

至元廿六年歲次己丑八月丁未朔越四日庚戌孝
孫憚敢昭告于王氏

三代祖考祖妣之靈憚不肖獲承

祖宗遺訓以至今日又於此月初三日欽奉

宣命進授少中大夫福建閩海道提刑按察使是皆
祖宗奕葉德積之故越小子何敢存歿光显宜知所
自特陳薄奠是用昭告尚享

祭待制徒單衍文

維至元廿六年歲次己丑冬十月丁未朔十二日己
未少中大夫福建閩海道提刑按察使王憚致奠于
故待制徒單公之靈嗚呼禍與福善惡以應之變其

常理有不復致詰者惟翰林侍講學士顯軒先生厥
心孔嘉樂善修德及其立朝行道罔不傾悉晚歲得
子又復良碩學由家傳志乃早立先生云亡相
惜念渠零屏繼任翰取淹留京師豈造物者將有俟
而補先生之不及一旦夭奪松摧玉質云何不淑而
臻此極睠若堂之三封悵遼海之不溢何一氣之喪
謝逮子身而迹熄余愈知善惡之巨量蒼蒼之不可
必也不然豈行焉忽諸致臯陶庭堅之不食吾不可
而識也噫

辭墳祝文

伏以甌東南之極徽憲使外臺之正名受
命以來夙夜祇懼有不遑寧處者於是月十七日卯

刻與子鴛輩前赴任所伏惟
明靈相其不速以道護之尚享

祭雙廟文

至元廿六年歲次己丑冬十月丁未朔二十六日壬
申瘞以清酌之奠敢昭告于唐臣中丞張公睢陽太
守許公之靈惟神忠抗全節義摧賊鋒旣障江淮載
清河洛精爽在上其生炳如憚等適有事於維揚特
乞 新廟願惟朽算遠涉畏涂過覬之心斷非敢
萌 虞之變庶祈默祐尚享

祭淮水文

惟神發源桐山橫界楚甸德叅四瀆潤涵百川憚恭
綸恩遠臨殊域險阻炎蒸有 自惜者惟神鑒祐

其安以濟是則神上有以欽承明命下有以 臣子
之義也尚享

亡妻推氏姪遣奠祭文

維至元廿三年歲次丙戌冬十一月癸亥朔卜有二
日甲戌中議大夫前行臺行御史王憚墓以牲醪之
奠致祭于夫人推氏之靈維君為婦克恭以母則式
助我內治其宜其適四十二年迺猶一日眷我貧家
勤亦之極惟是殫瘁遂臻于疾弥留八年屢值已棘
孰被其祥稍復安息孟冬辛酉遽變容度孰旆其魄
溘先朝露惟此喪制我實主之布冠齊衣我具舉之
木美藏嚴恐速腐之美慰汝心汝其願之我小甲戌
窆為襲吉奉安汝柩皇姑之側升翰發引爰用控告

汝宜勿憾我未為校魂方歸來些四荒不可以往兮
惟汝子孫是依是保黯黯精竟悄悄心目自決之間
重有所祝曰薄西山一語不復念之奠傷又孰為營
於戲零落山女生存華屋自古皆然非汝之獨惟弗
偕老天為之酷有淚如泉永注河曲嗚呼哀哉尚享
過趙祭忠武史公祠文
夫用物精多者英爽罔昧垂頌異常者死生不殊我
丞相忠武史公以丘山之重願章芥之微其生也如
而翼之其效也竊而訓之茲者奉
詔北上展拜新祠敢乞明靈增益不逮蓋愚魯之性
惟其素知於言動之間庶幾默祐尚享
秋澗先生大全文集卷第六十四

秋澗先生大全文集卷第六十五

辭

中林有鳥兮姨母而思親也

哀哀母氏壺儀光兮我鞠我育其勞昌兮植思靜佳
風飄颺兮頤惟蒿蔚擬謾芳兮菽水奉歡其憂忘兮
母恃子豫亦所望兮一朝致樂初未嘗兮夜夢見之
晝微茫兮歲月逾邁拱木蒼兮履此霜露中心傷兮
我行宗城如渭陽兮瞻戀姨闈自不遑兮展我孺慕
聞母香兮贈之瓊瑰幣帛將兮枝同氣連何殊於幽
明間兮庶幾母心慰下泉兮中林有鳥翩其反兮情
極反哺鳴聲應而嗒兮可以人而不如鳥之志兮別
淚盈睫下霑袂兮停雲在空浩無際兮我思母氏曷

有既兮

哀友生李子辭并序

中統五年甲子歲夏五月朔九日晝漏尽三十刻府
從事周貞以友生李子之喪未告聞之驚怛迺為輟
食因憶予弱冠時始識渠于教官張文紀學舍性資
純雅似不能言者扣其禮經皆能成誦于口既長從
泌陽趙公業詞賦故日夕翱翔相得為甚狎逮壬子
秋顯軒徒單公自寧來居曰今而後執經問學吾知
所從矣於是樞衣席下大玩厥辭令章既貞士論乃
厭每自嘆古人讀書患其無書今人置書不觀何居
要當手畢群書使之滿家而已及三史甫畢而病嗜
學之難成也如此可勝嘆哉子天性孝友為人簡靖

不群喜作詩其較量體格推敲聲律有過人者然識
者以骨清而癯耳小而偃恐非壽相也今年春顧見
憊氣蒸出顏間僕謂曰子殆病矣不然何神與氣索
然無光耶子必休學本潤身守身為大吾子其慎之
既而臥病在牀以迄于死初其父命其子曰而吏而
商斷不汝為惟士與農迺所願學吁為父者可謂知
其子而得其教為子者可謂及其孝而養其志者矣
繼其天不做年聲光潛室不少白於世是迺可惜也
於戲天道無親常與善人若季氏者可謂一門善人
矣藹罹凶極一至於此天之報施善人果何如哉予
不得而知也噫武死矣非文局以據予之哀而見若
之志如李觀歐陽詹之不幸終復聞於世者以昌黎

之文故也君諱武字子文世為青齊人壽三十有四
遂援毫寓哀以畢其辭誄曰

倚嗟季氏以善傳兮種德及嗣培福田兮父母之心
一何賢兮子奉以行周且旋兮學根於心浩浩天兮
再世而昌其流淵兮有物忌媚坎壈纏兮云何不泚
邁此遭兮自古有死豈子然兮維卒不施涕所漣兮
哀哀父母白垂顛兮狎于弗順蓋子棺兮東城之野
子之原兮悲風蕭蕭淇水寒兮游魂一去不復還兮
求矣無聞闕九泉兮反袂拭面慨其嘆兮禍滔福善
此何憇兮天道悠遠疑其無所關兮其脩与短不幸
之間兮嗚呼哀哉夫我何言子所安兮

故中奉大夫浙東宣慰使趙郡陳公哀辭

至元十四年歲次丁丑秋中奉大夫浙東道宣慰使
陳公按營田東下歷明逾台九月七日歸屯新昌為
賊姦所乘遇害嗚呼哀哉公未歿前五月子夢公柩
轉而過衛再夢坐越府上望公而不得接後閱月復
臂談詠如在試院中時第霧氣盪曾終不覩其面明
日卜奉常宋君不吉曰後幾日當有惡報至予魄動
而不忍聞既而公故吏張永錫以訃來告乃審公之
所以亡嗚呼哀哉初癸丑歲公待謀漢郎聞走名
而喜之及尹洛師一見殆平生歡至元三年以邦伯
登衛日夕得游從燕處為文章往復時或持論古今
傾底裏無間至於振衰礪懦長予志殊銳四載間猶
一日也後五年予自裏行得調公亦移鎮河湟自是

不相覲者五易歲維十有三年夏四月壬辰臚堂移
考試河南得貳公行躍躍不能寐遂自梁抵申由宛
葉入洛而竟事於汴寢餘游屋不斯須離者餘七十
日公以平昔出處素所蘊而恣者一發而終於予竊
壯夫志弘而毅氣剛以直學切而有用器遠而足識
能訣去至揚鱗而歌曰孤忠耿耿信不疑兮匪席匪
石可卷移兮與子論交乃所期兮日暮途遠將何之
兮彼蒼悠悠其聞斯兮予上馬歸念且訝其處如許
也嗚呼噫唏公今死矣予尚忍言哉或者以玉山賊
門庭寇也終宋亡而不克揃新昌下邑也惡而無所
預蓋去諸予曰公之不去者以弭禍亂懷新附分也

事不辭難患不苟免志也去之民何賴焉賊或有知
使洞貫之誠一言開悟干以窮根窟掃餘孽宣威海
道以靖東南在公為弗難不幸擁馬直前言未及諭
而兇鋒闕加蓋公之所能者天也其不能者命也嚮
使因鼠輩而喪厥守以偷生而為得計名節委地坐
眎民殘豎公之志也哉况公平忠誼表表審量素定
晚節操履益堅其遇當行可為得少伸抱負分一死
久矣昔顏太師知賊狀已明將命而徑往李司徒視
逆刃交下擢節而不去二公者豈甘心鞠躬哉正以
忠烈之氣寧以一不幸遷可憐然於其心哉今以公
事節槩之不少異矣然不使公從朱游王遵憲丹衷
於折檻之前抗忠諫於伏蒲之地奈何錄死道路纓

絕於穿窬之手此士論共惜僕尤哀而為之辭也公諱祐字慶甫趙之寧晉人困窮力學工為詩尚氣能道所欲言節齋其自号也嗣子夔繼請諡賊得害公者七人戮越州市次子臯扶其喪葬北邙之新阡其辭曰

維天降材深有所謂兮清明奉躬經此一世事兮伊逢昌辰臣子尤不易兮鴻毛沛風宜乎奮厥翼兮百綫幾施有物訶以忌兮固窮善道退而甘所弃兮何縻以好爵是將進而躓兮擠之禍賊天胡為而厲兮俾姦惡者何所懲忠善者將何恃兮豈福善禍淫之戒時或撓而弛兮豈命數一定善惡得而致兮豈一氣偶然乘之者隨所值兮不然何厚其所可薄而賢

者莫錫類兮嗚呼言至於此天道悠悠此心盡而俟兮自古有死死非以義等草木之敝兮堂堂節齋明是義兮夫我何尤公所求兮既獲死所公乃休兮有子而孝復厥讎而歸故丘兮是或蒼蒼者有足賴神理於焉在兮魂歸來此歆予文之一慍兮固元身不歿名永有於崧岱兮噫

故中奉大夫山東東西道宣慰使史公哀辭事有曠世相感歎歎不自已者豈非義激於衷默有所契而然耶况神交罔間沒而陰相者哉故宣慰史侯五路萬戶留後之嫡長太尉忠武公之猶子也不肖自早歲蒙開府矚矚獲識瞻盻合并有數款狎則未也逮提憲湖南適平宋來歸時接燕談三載之間

猶一日然既而起公慰宣東方走亦持節歐越前次
甬東一夕夢公相或云君方從事聞徵得喪有命尚
慎眠食不宜中動臨岐握手有恋恋不已者予又嘗
銘公兄墓以名驟見貶及提倦游思歸公復見夢曰
遠回在迩但吾乘不得與同耳後數日聞公訃馬亦
隨斃計公卒辰適始夢甬上時也吁亦異哉嗚呼公
於余深矣往有以教歸有以啓迪之非神交而何哭
墓草宿且惡夫涕之無從也癸巳冬予在翰林公之
子親衛指搗使煥弟祕監輝來謁出諸君銘章仍有
徵於余感念疇昔迺抒願言公為人深靖有識量善
謀能斷主長豪貴不以居養自高周知物情未嘗臧
否出口平居褒衣素裙以琴書自娛賓從宴游若與

世浮沉者及其治兵作牧撫循籌畫二者並用不相
底滯有成筭而無遺慮所謂總戎作氣帥尹而寓軍
容者公其有焉直乎為世父鍾愛名聲昭於人功烈
著于後也至元甲申夏六月余將往歷下見公於所
居南樓置酒酌別既酣談論古今成敗傾徹底裏且
及平時寤寐風雲破碎陣敵等舉如濟南珍峙橫梁
臨江之後皆是也曰異時倘經故處當知予憶玉所
敵志也吾老矣將無復再得去二年公薨謝官下於
戲公今已矣顧視一時鉅室世臣其嚴不鮮較其德
業問望哀榮終始略無遺憾鮮有及公者焉然尚何
辭而哀之惟是存歿陰相久要之言耿耿在抱義激
愚衷故特發其隱而未書者俾告公靈庶慰車過腹

痛繫劔喬木之意云其辭曰

天之降才實為艱兮用應時需又所難兮文武一伎
造物者靳其全兮合而兼濟粵惟世之賢兮堂堂史
公北方強兮知柔知剛萬夫望兮依乘風雲乘鉞戎
軒蕩無前兮有來群后策勛盟府相後先兮收斂豹
韜作牧民編于蕃宣兮國倚以重民懷風愛動海壘
兮神而化之人亡政息伊時遭兮嗚呼哀哉若公者
其英其靈有無間兮豈隨化歸盡魂無不之渺逝川
兮其或奮為神明司幽玄兮明復為人續其志之淵
兮若或亶然又不知其幾世幾年兮論至於此尚何
言兮所以增我永慨者正復哀斯民之不幸抑且感
知已而涕漣也

祝辭劉孝先子迪作

古者名訓冠前字加冠後改而推稱蓋以責其禮之
成全成人之道孝悌忠信莫重而先四者有立吉孰
大焉曰禹曰益九官讓賢及陳儆告也如是况余人
然山木取義併其名而字之予以四行擴克迪傳劉
氏子其服膺拳拳猶日見鄉先生于朝端也

周氏小女祝辭

元貞元年秋過摠尹孟裁家出小女拜
且余誦孝經論語等篇珠琅然也仍請
訓辭為祝因書以付之蘭即燕故家留
判趙公外孫也

英美女孥何靜嘉兮翁初見之燕故家兮牙牙點粧

玳瑁珣兮學語未正鶯嚶花兮今年拜予雙鬟鴉兮
洞簫有賦非所誇兮孝章曾語誦無涯兮謝以蘊稱
汝其昭兮詢以小字曰蘭嬌兮葳蕤芳華儻翠翹兮
猗猗揚揚茲容鵠兮女惟德馨幽閑在兮佩而服之
儀與誠兮女紅蚕休左所類兮守以貞順敬毋怠兮
付之汝誦于以書脫脫

觀溟漲辭

山雲蒸兮老而昏大壑滄兮涇流奔渚崖曲兮千里
一夕平兮光瀾二水之充兮無幽無深遠朝滄溟兮
臣妾之心幽人觀其瀾遊者何嘆兮周而復還萬物
化結水之仁功成而退兮殆君子之逡巡日三往而
視兮悟夫噓噏於此身又何必酌樽中之醪問江

山之神也耶

鳴榔曲

壬申春三月予自京師南還十八日夜
半過平棘西汶水上聞漁人鳴榔中流
聲響甚厲駐車起聽令人杳然有江灣
漁樂之思作鳴榔曲以寫其音節云其

詞曰

榔鳴葦間回風遠漣洲空月寒
青節愈厲響應虛谷
波翻木際驚群魚而入
糝笑古人之用智予駐車而
三聽欲拏舟而同遊

田橫墓歌辭

至元丙子夏六月奉堂移借節齋陳公

卷六十五
以書東之偃師過橫墓下慨慕耿光悲
歌而去歌曰

秦以帝稱魯連之所恥兮漢以劍起布衣之所極兮
橫王東海意不充其觀兮天命攸歸吾將奚所適兮
死或當理庶烈士之則兮

秋澗先生大全文集卷第六十五

